



## ქართული საარჩევნო წლის თავისებურებები

გვ. 3



მას შემდეგ, რაც საარჩევნო წელი აქტიურ ფაზაში შევიდა, ქვეყანაში საარჩევნო კამპანიების მოქმედების დაწყება შეინიშნება. როგორც წინა საარჩევნო წლების გამოცდილება გვიჩვენებს, საქართველოს არსებული სამთავრობო გუნდი და უმრავლესობის წევრები საარჩევნო ხმების მოგროვებას ცდილობენ და აპელირებას ახდენენ იმგვარ თემებზე, რაც მოსახლეობის უმრავლესობის მხარდაჭერით სარგებლობს.

## საფრანგეთმა სექს-მომსახურებისთვის ფულის გადახდა არაკანონიერად მიიჩნია

გვ. 6

სოციალისტმა პარლამენტარმა მოდ ოლივიემ, რომელიც ინიციატორი გახლდათ, განაცხადა, რომ პროექტის მიზანია იმ სექს-მუშაკების დაცვა, რომლებსაც ბიზნესის დატოვება სურთ. "ჩვენ არ შეგვიძლია მივიღოთ ის რეალობა, სადაც სხეული იყიდება იმიტომ, რომ ვიღაცას ფული აქვს, მეორეს კი ფინანსურად უჭირს და საპროსტიტუციო ქსელში იმის გამო ჩართული, რომ პრობლემის მოგვარების სწრაფ გზებს ეძებს და არ აქვს სხვა გამოსავალი. ჩვენ უნდა შევცვალოთ საზოგადოებაში გაბატონებული აზრი, თითქოს პროსტიტუცია არის საჭირო ბოროტება."



## წყალში გადაყრილი მილიონები თუ მომავლის ინვესტიცია

გვ. 8

ეკონომიკის მინისტრის ახალ ინიციატივას „ოზბ-ერვერთან“ საუბრისას დადებითად აფასებს ექსპერტი ეკონომიკის საკითხებში, ლია ელიავა: „სტარტაპებისთვის ხელის შეწყობა ცუდი ინიციატივა არაა. მიუხედავად იმისა, რომ ამ თანხის დიდი ნაწილი წყალში გადაყრილი იქნება და სტარტაპების 85-90% პროცენტი არ გაამართლებს, ნაწილი რომელიც დარჩება და განვითარდება ქვეყნისთვის ძალიან სასარგებლო იქნება.“



ერდოღანის მუქარა  
ევროკავშირს და უპირობო  
მიმოსვლის მოთხოვნა

გვ. 5

„ბრიჯ-ინოვაცია  
და განვითარება“  
განდერულად  
სენსიტიური  
საზოგადოების  
საჭიროებების  
კვლევას

EXCLUSIVE

გვ. 9

18 წლის ნიკოლოზ  
ბარჩილაძის  
წარმატება გლობალური  
ინოვაციების კონკურსზე

EXCLUSIVE

გვ. 10

თვითმანქანების  
7 წესი, რომორც  
წარმატების ფორმულა

EXCLUSIVE

გვ. 11

გიორგი ბელუას  
თეოსოფიური ხედვა  
მხატვრობაში

EXCLUSIVE

გვ. 13

საჯარო მეთყველების  
კონკურსის  
19-წლიანი ტრადიცია  
საქართველოში

EXCLUSIVE

გვ. 15

2016 წლის 11 აპრილის მდგომარეობით

ლარის მიმართ უცხოური  
ვალუტების გაცვლის  
ოფიციალური კურსები

1 USD	=	2.2868
1 EUR	=	2.6005
1 GBP	=	3.2159
1 CHF	=	2.3881
10 RUB	=	0.3400
10 UAH	=	0.8921
1 TRY	=	0.8000



# საქართველოს დაუმოუკიდებლობის 25 წელი უიზიარებელი

საქართველოს რესპუბლიკამ სსრკ-ისგან დამოუკიდებლობა გამოაცხადა 1991 წლის 9 აპრილს

## ომაი და შიდა




## მოსახლეობა

მოსახლეობის ოფიციალური დინამიკა



მოსახლეობის უარყოფითი დინამიკა აიხსნება შრომითი თუ სხვა ტიპის მიგრაციით, რაც თავის მხრივ გამოწვეული იქნა რთული სოციალური თუ პოლიტიკური გარემოთი

მოსახლეობის ეთნიკური შემადგენლობა



ეთნიკურად ქართველთა წილი 1991 წელს მოსახლეობის 70.7%-ს შეადგენდა, ხოლო 2016 წელს - 83.9%-ს შეადგენს

## ეკონომიკა

ქვეყნის მთლიანი შიდა პროდუქტი (ნომინალური)



ქვეყნის მთლიანი შიდა პროდუქტი (ერთ სულ მოსახლეზე)



## სიმბოლიკა

1990 წელს საქართველომ უარყო საბჭოთა სიმბოლიკა, რითაც აღადგინა საქართველოს დემოკრატიული რესპუბლიკის სახელმწიფო დროშა, გერბი, და ჰიმნი



### დიდება

ქვეყნის სახელმწიფო დროშა  
ქვეყნის სახელმწიფო გერბი  
ქვეყნის სახელმწიფო ჰიმნი

2004 წელს ვარდების რევოლუციის შედეგად მოსულმა მთავრობამ შეიღო ახალი დროშა, გერბი და ჰიმნი



### თავისუფლება

ქვეყნის სახელმწიფო დროშა  
ქვეყნის სახელმწიფო გერბი  
ქვეყნის სახელმწიფო ჰიმნი



**OBSERVER**  
**OBSERVE TO LEAD**

ინფორმაციის ავტორი: თეიმურაზ შა



# ვილნიუსში საქართველო-ლიტვის კომისიის მე-3 სხდომა გაიმართა

# ნატო- საქართველოს სახალხო დიპლომატიის ფორუმის მთავარი გზავნილები

2016 წლის 7 აპრილს ვილნიუსში, საქართველოს საგარეო საქმეთა მინისტრის, მიხეილ ჯანელიძის ოფიციალური ვიზიტის ფარგლებში, გაიმართა ევროპულ და ევრო-ატლანტიკური სტრუქტურებში ინტეგრაციის საკითხებზე საქართველო-ლიტვის კომისიის მე-3 სხდომა.

კომისიის შეხვედრას საქართველოსა და ლიტვის საგარეო საქმეთა მინისტრები ხელმძღვანელობდნენ. შეხვედრაში მონაწილეობა მიიღეს საქართველოსა და ლიტვის საგარეო საქმეთა სამინისტროების სხვადასხვა დეპარტამენტის დირექტორებმა.

სხდომის მიმდინარეობისას განიხილეს დღის წესრიგით გათვალისწინებული საკითხები: საქართველოს ევროპული და ევრო-ატლანტიკური ინტეგრაციის პროცესი, უსაფრთხოება, ორმხრივი ურთიერთობები, ეკონომიკური თანამშრომლობა, საქართველოს ტერიტორიული მთლიანობა და მრავალმხრივი ურთიერთობები, თანამშრომლობა სტრატეგიული კომუნიკაციის სფეროში.

შეხვედრაზე კიდევ ერთხელ გაუხსენეს ხაზი ლიტვიური მხარის მზადყოფნას, ხელი შეუწყოს საქართველოს ევროპული და ევრო-ატლანტიკური ინტეგრაციის პროცესს. აღნიშნეს საქართველოს მხრიდან ასოცირების შეთანხმების იმპლემენტაციის წარმატებული პროცესი და ამ გზაზე ლიტვიური მხარის დახმარებისა და გამოცდილების გაზიარების მნიშვნელობა.

ყურადღება გამახვილდა საავიზო რეჟიმის ლიბერალიზაციის სამოქმედო გეგმის ფარგლებში საქართველოს მიერ მიღწეულ მნიშვნელოვან პროგრესზე და ევროკავშირთან უფრო რეჟიმის წარმატებით ძალაში შესვლის აუცილებლობაზე, რაც დელეგაციების წარმომადგენელთა შეფასებით ხელს შეუწყობს ხალხთა შორის კონტაქტების გაძლიერებასა და აქტიური ბიზნეს და ეკონომი-

კური კავშირების ჩამოყალიბებას. ორმხრივი თანამშრომლობის მიმართულებით აღინიშნა ეკონომიკური სფეროში არსებულ მხარე-მხარეობაში. ყურადღება გამახვილდა თანამშრომლობის იმ ახალ შესაძლებლობებზე, რასაც ასოცირების შეთანხმება, ევროკავშირთან ღრმა და თავისუფალი ვაჭრობის რეჟიმი და „აღმოსავლეთ პარტნიორობის“ ფარგლებში არსებული სხვადასხვა ინსტრუმენტები იძლევა. ხაზი გაესვა ბიზნეს სანარმოებსა და ორგანიზაციების შორის პირდაპირი კომუნიკაციისა და მჭიდრო კავშირების დამყარების მნიშვნელობას და მხარეები შეთანხმდნენ, აქტიურად იმუშაონ ხსენებული კონტაქტების დამყარებისა და შენარჩუნებისთვის.

ევროპული ინტეგრაციის პროცესში განსაკუთრებული მნიშვნელობა მიენიჭა ევექტურ კომუნიკაციას საზოგადოებასთან. მხარეები მიესალმნენ საქართველოს მთავრობის მიერ 2014-2017 წლებში ევროინტეგრაციის საკითხთა კომუნიკაციისა და ინფორმაციის შესახებ სტრატეგიის განხორციელებას. ლიტვამ გამოხატა მზადყოფნა მომავალშიც გაუზიაროს საქართველოს კომუნიკაციის სფეროში სათანადო გამოცდილება.

ლიტვის დელეგაციამ გამოხატა მზადყოფნა, შემდგომი დახმარება გაუწიოს საქართველოს განვითარების სფეროში თანამშრომლობის მხრივ, რომლის მიზანია ადმინისტრაციული და ინსტიტუციონალური შესაძლებლობების გაზრდა. ლიტვის დელეგაციამ აღნიშნა, რომ ლიტვა გააგრძელებს 2015 წელს დაწყებული ოთხი პროექტის იმპლემენტაციას და დადასტურა, რომ 2016 წელს საქართველოში განხორციელდება ოთხი, ახალი განვითარების პროექტი – ჯანდაცვის, გარემოს დაცვის, კლიმატური ცვლილების პრევენციის, სოფლის მეურნეობის, სოციალური განვითარებისა და

სამოქალაქო საზოგადოების, ასევე, თანაბარი უფლებების განხორციელების სფეროებში.

კომისიის სხდომაზე განიხილეს საქართველოს ნატოში ინტეგრაციის პროცესი და აღნიშნეს ამ გზაზე საქართველოს პროგრესი.

ლიტვის დელეგაციამ დადებითად შეაფასა საქართველოს მნიშვნელოვანი როლი ევრო-ატლანტიკურ უსაფრთხოებაში და მის წვლილი, როგორც ალიანსის ოპერაციებსა და მისიეზში, ასევე რეგიონულ და საერთაშორისო უსაფრთხოებაში. ლიტვის მხარე კიდევ ერთხელ დადასტურა ნატოს ლია კარის პოლიტიკისადმი უწყვეტი მხარდაჭერა და მისი მზაობა საქართველოს შემდგომ მხარდაჭერაზე რეფორმებსა და ევრო-ატლანტიკურ მისწრაფებებში.

აღინიშნა, რომ ნატოს 2016 წლის ვარშავის სამიტზე კიდევ ერთხელ უნდა დადასტურდეს ალიანსის ლია კარის პოლიტიკა და ხაზი გაესვა საქართველოსათვის ნატოს პოლიტიკური და პრაქტიკული მხარდაჭერის გაძლიერებას.

კომისიის შეხვედრაზე ლიტვიური მხარის მიერ კიდევ ერთხელ დადასტურდა მხარდაჭერა საქართველოს ტერიტორიული მთლიანობისა და სუვერენიტეტისადმი. ხაზი გაესვა ევროკავშირის გადაწყვეტ მნიშვნელობას საქართველოში უსაფრთხოებისა და სტაბილურობის უზრუნველსაყოფად. საქართველოს დელეგაციამ მადლიერება გამოხატა EUMM-ის მისიაში ლიტვის აქტიური მონაწილეობის გამო.

კომისიის სხდომაზე შეთანხმდნენ, რომ ევროპულ და ევრო-ატლანტიკურ სტრუქტურებში ინტეგრაციის საკითხებზე საქართველო-ლიტვის კომისიის შემდეგი შეხვედრა 2017 წელს, საქართველოში გაიმართება.

შეხვედრის დასასრულს, ორი ქვეყნის საგარეო საქმეთა მინისტრებმა ხელი მოაწერეს კომისიის დასკვნით ოქმს.

2016 წლის ნატოს კვირეული ნატო-საქართველოს სახალხო დიპლომატიის ფორუმით 4 აპრილს დაიწყო. ფორუმი გახსნეს საქართველოს პრემიერ-მინისტრმა გიორგი კვირიკაშვილმა, სახელმწიფო მინისტრმა ევროპულ და ევროატლანტიკურ სტრუქტურებში ინტეგრაციის საკითხებში დავით ბაქრაძემ და ნატოს გენერალური მდივნის მოადგილის თანაშემწემ ტედ ვაითსაიდმა. პრემიერ-მინისტრმა მადლობა გადაუხადა ყველას, ვინც მხარს უჭერს საქართველოს სწრაფვას ევროპული და ევროატლანტიკური ინტეგრაციისკენ. პრემიერის თქმით, საქართველო ნატოს ვარშავის სამიტზე მკაფიო გზავნილებს ელოდება.

“ჩვენი მხრივ, ძალისხმევას არ ვიშურებთ იმისათვის, რომ შევიწინარწინოთ ალიანსში ინტეგრაციის პროცესის პოზიტიური დინამიკა და ნატო-საქართველოს ურთიერთობები გავხადოთ შინაარსობრივად კიდევ უფრო დატვირთული. საქართველოს აქვს პროგრესი და ხელშეახლები შედეგები ამ მიმართულებით. ნატოსთან დაახლოების მიმართულებით ვარშავის სამიტზე საქართველო ელოდება მნიშვნელოვან პროგრესს, როგორც პოლიტიკური, ისე პრაქტიკული შედეგების კუთხით,” - განაცხადა გიორგი კვირიკაშვილმა.

ფორუმზე აღინიშნა, რომ მსოფლიო საერთაშორისო უსაფრთხოებასთან დაკავშირებული გამოწვევების წინაშე დგას, რაც ალიანსის წევრებისა და პარტნიორებისგან მოითხოვს სტრატეგიული კომუნიკაციის გაუმჯობესებას.

ფორუმის პირველი პანელიც, შესაბამისად, გააქტიურებული პირდაპირი ომის პირობებში სახალხო დიპლომატიისა და სტრატეგიული კომუნიკაციის ეფექტურობის მნიშვნელობას, რეგიონში პროპაგანდასთან ბრძოლის მეთოდებსა და ამ მიმართულებით მიმდინარე აქტიურ საკითხებს დაეთმო. შემდეგ პანელზე მონაწილე სტუმრები განიხილეს თანამედროვე მედია საშუალებებს როგორც რბილი ძალის იარაღს, ისე, როგორც რბილი ძალის როლს მხარედი ექსტრემიზმისა და ძალადობის პირობებში.

მეორე დღეს ფორუმის მონაწილეებს საქართველოს პრეზიდენტმა გიორგი მარგველაშვილმა და თავდაცვის მინისტრმა თინათინ ხიდაშელმა მიმართეს. ხაზი გაესვა საქართველოს ევროატლანტიკური მისწრაფების მნიშვნელობას ქვეყნის განვითარებისთვის და ამ საგარეო პრიორიტეტის ურყეობას.

“ჩვენ ნათლად ვაფიქსირებთ ჩვენი ქვეყნის კულტურულ და პოლიტიკურ მომავალს ევროკავშირში, ჩვენ ნათლად ვაფიქსირებთ ნატოს, როგორც უსაფრთხოების ქოლგას, რომელშიც ჩვენ უნდა გავერთიანდეთ”, - განაცხადა პრეზიდენტმა.

თინათინ ხიდაშელმა ყურადღება გაამახვილა იმაზე, რომ არ არსებობს განსხვავებული აზრი საქართველოს მომავლის შესახებ და რომ საქართველო უნდა დაბრუნდეს ევ-

როპულ ოჯახში. ფორუმის დასკვნით ნაწილზე განიხილეს საქართველოს პოლიტიკა და მოლოდინები ნატოს ვარშავის სამიტის წინ.

ნატო-საქართველოს სახალხო დიპლომატიის ფორუმი მედიისა და სამთავრობო უწყებების წარმომადგენლებისთვის სამუშაო ჯგუფების შექმნითა და სტრატეგიული კომუნიკაციის მნიშვნელობაზე, მის როლსა და გამოყენების მეთოდებზე დისკუსიით დასრულდა.

სპეციალურ სამუშაო ჯგუფებში გაიმართა დისკუსიები ისეთ საკითხებზე, როგორცაა: მედიის ზემოქმედების ინსტრუმენტები განსხვავებულ მოსაზრებებზე, პროპაგანდისტული წყაროები და საშუალებები, როგორ უნდა მოხდეს საინფორმაციო ომის იდენტიფიცირება და ეფექტიანი რეაგირების მექანიზმების შემუშავება.

„ოდესმე გაგივიათ სიტყვა „დემინფორმაცია“? ეს არის არასწორი ინფორმაცია, რომლის მიზანია ადამიანის შეცდომაში შეყვანა“, განაცხადა საქართველოში ამერიკის შეერთებული შტატების საელჩოს წარმომადგენლებმა. ექსპერტებმა განიხილეს დემინფორმაციასთან და პროპაგანდასთან ბრძოლის გზები სტრატეგიული კომუნიკაციის საშუალებით. ფორუმს ესწრებოდნენ სახელმწიფო მდივნის მოადგილე ევროპისა და ევრაზიის საკითხებში, ბენჯამინ ზივი და ელჩი, იან კელი. მათ ხაზი გაუსვეს, თუ რამდენად მნიშვნელოვანია თავისუფალი მედია, პროაქტიული კომუნიკაცია და კოორდინაცია დემინფორმაციასთან ბრძოლაში.

სესიები აქტიური დისკუსიის რეჟიმში წარმართა და მონაწილეებს ანტი-დასავლურ პროპაგანდასთან ბრძოლის მიმართულებით საკუთარი გამოცდილების გაზიარების საშუალება მიეცათ.

4-5 აპრილს თბილისში გამართული ნატო-საქართველოს სახალხო დიპლომატიის რომელიც ტრადიციულად ბრიუსელში იმართება, საქართველო პირველად მასპინძლობს. ფორუმის მუშაობაში აღმასრულებელი და საკანონმდებლო ხელისუფლების წარმომადგენლები, სახალხო დიპლომატიასა და კომუნიკაციების საკითხებზე მომუშავე სამთავრობო სტრუქტურებისა და ნატოს შტაბ-ბინის წარმომადგენლები, მონაწილე ექსპერტები მონაწილეობდნენ.

ფორუმი გასულ სამშაბათს დასრულდა ნატოს კვირეული კი 19 აპრილამდე გაგრძელდება. ნატოს კვირეული საქართველოში წელს მეცხრედ ტარდება. ფორუმი სსიპ “ნატოსა და ევროკავშირის შესახებ საინფორმაციო ცენტრის” ორგანიზებით ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრის აპარატთან კოორდინაციით, თავდაცვის სამინისტროს, საქართველოს ნატოს სამეკავშირეო ოფისისა და რუმინეთის საელჩოს მხარდაჭერით განხორციელდა.



# ერდოლანის მუჰარა ევროკავშირს და უვიზო მიმოსვლის მოთხოვნა

გურამ ფცქიალაძე

გასულ ხუთშაბათს თურქეთის პრეზიდენტმა რეჯეპ ტაიპ ერდოღანმა ისაუბრა ევროკავშირთან მიღწეულ შეთანხმებაზე მიგრანტთა შესახებ და იქვე გააფრთხილა ორგანიზაცია, რომ ოფიციალური ანკარა არ შეასრულებს მის ნილ საკმაოდ მნიშვნელოვან შეთანხმებას მიგრანტთა ნაკადების შესახებ, თუკი თავად ევროკავშირი არ განხორციელებს გარიგების საკუთარ ნაწილს.

„არსებობს ზუსტი პირობები. თუ ევროკავშირი არ გადადგამს სათანადო ნაბიჯებს, თურქეთი არ განახორციელებს შეთანხმებით გათვალისწინებულ პირობებს“ - განაცხადა ერდოღანმა ანკარაში პრეზიდენტის სასახლეში წარმოთქმულ სიტყვაში.

აგრეთვე, მიგრანტთა კრიზისთან დაკავშირებით საუბრისას, პრეზიდენტმა ხაზი გაუსვა იმ ფაქტს, რომ თურქეთი იმსახურებს სათანადო სამაგიეროს სირიელი მიგრანტების საკითხში შეტანილი დიდი წვლილისათვის, რაც გამოიხატა 2011 წლის შემდეგ თურქეთის მიერ დახარჯული 10 მილიარდ დოლარზე მეტი თანხით. თურქეთის მთავრობის მეთაურმა აგრეთვე აღნიშნა, რომ სამი მილიონ მიგრანტს სწორედ თურქეთის ბიუჯეტი ინახავს და, ევროკავშირიდან დაპირებების მიუხედავად, არანაირი ცვლილება არ განხორციელებულა.

მიგრანტებზე ახალ შეთანხმებას ხელი თურქეთსა და ევროკავშირს შორის 18 მარტს ევროკავშირის ლიდერებისა და მათი კოლეგის, თურქეთის პრემიერის აჰმედ დავითოღლუს შეხვედრისას მოეწერა. შეთანხმების თანახმად, 20 მარტიდან ყველა არალეგალი მიგრანტი, რომელიც გადავა თურქეთიდან საბერძნეთის კუნძულებზე, დაბრუნდება უკან თურქეთში. სანაცვლოდ თურქეთში დაბრუნებული თითოეული სირიელი სთავის მფლობელი თურქეთიდან ევროკავშირში თითო სირიელის გადაყვანა. ევროკავშირი ორ ნაწილად გამოყოფს თურქეთის მთავრობას 3-3 მილიარდ ევროს შეთანხმების შესასრულებლად. შეთანხმების თანახმად ივნისის ბოლოს თურქეთის მოქალაქეები შეძლებენ თავისუფალ გადაადგილებას ევროკავშირის ქვეყნებში, რაც ოფიციალური ანკარის მთავარი მოთხოვნაა.

შეთანხმების ხელმოწერიდან ცოტა ხნის შემდეგ ხმა აიმაღლეს კვიპროსის მთავრობის წარმომადგენლებმა. ქვეყნის პრეზიდენტის, ნიქოზ ანასტასიადის განცხადებით, თუკი ანკარა არ ცნობს კვიპროსის ბერძნული მთავრობის ლეგიტიმურობას, კვიპროსი აპირებს ვეტოს დადებს მოცემულ შეთანხმებაზე.

კვიპროსი 1974 წლიდან მოყოლებული დღემდე ორ ნაწილად გაყოფილ რეგია, რომლის ჩრდილოეთ ნაწილს, ფაქტობრივად, თურქეთი აკონტროლებს. სწორედ ამიტომ, კვიპროსის პრეზიდენტის თქმით, ევროპული საბჭოს მომდევნო შეხვედრაზე მისი ქვეყნის წარმომადგენლები ხაზგასმით აღნიშნავენ,

რომ ისინი შეუძლიან ხელს ამ შეთანხმების სრულად განხორციელებას, თუკი თურქეთი არ შეიცვლის საგარეო მიდგომას კვიპროსის მიმართ.

მოცემული შეთანხმების მიღწევა რამდენიმე მიმართულებით დასვენების გაკეთების საშუალებას იძლევა. უპირველესად, შეთანხმების შედეგად აუცილებლად გაღრმავდება შემდგომი ურთიერთობები მხარეებს შორის და თურქეთი დაუახლოვდება ევროკავშირს. ორგანიზაციის წევრობა თურქეთის მიუღწეველ მიზნად რჩება რამდენიმე დეკადის განმავლობაში. ჯერ კიდევ ევროპული ეკონომიკური თანამეგობრობის არსებობისას (ევროკავშირის სახელი 1992 წლამდე) დაიწყო პარტნიორობა 1963 წელს. თუმცა 1987 წლამდე თურქეთს არ მიუშარტავს ორგანიზაციისთვის განწვერიანების თაობაზე. 2005 წელს ოფიციალურად დაიწყო განწვერიანების პროცედურა და ამისთვის საჭირო კრიტერიუმების დაყვანილი პროცესი, რაც ჯერ კიდევ არ დასრულებულა და რთულად სავარაუდოა, უახლოეს მომავალში დასრულდეს.

ევროკავშირში განწვერიანების პროცედურაზე საუბრისას საინტერესოა სხვა ქვეყნების მაგალითი. როგორც წესი, წევრობაზე ოფიციალური მიმართვიდან დაახლოებით ერთი დეკადა იყო საჭირო სახელმწიფოს ევროკავშირში გასაწვერიანებასთან მიიყვანა, რისი მაგალითიც სწორედ ეს შეთანხმებაა. მან მხარეებს შორის ურთიერთობები ახალ ეტაპზე უნდა გადაიყვანოს. თავისუფალი სავაჭრო რეჟიმის შემოღება თურქეთის მოქალაქეებისთვის ნინ გადადგმული ნაბიჯი იქნება ორმხრივი მოლაპარაკებების გზაზე.

როგორც აღვნიშნეთ, თურქეთის ევროკავშირში განწვერიანების მიმართ დიდი სკეპტიციზმი არსებობს. თურქეთსა და ევროკავშირს შორის დგას კვიპროსი, რომელიც უკვე გახლავთ ორგანიზაციის წევრი (კუნძულის ჩრდილოეთი ნაწილი არ ემორჩილება ოფიციალურ ნიქოზიას და თვითგამოცხადებულ სეპარატისტულ სახელმწიფოდ მიიჩნევა უმეტესად თურქი მოსახლეობით). კვიპროსისთვის ნებისმიერი საკითხი, რომელიც თურქეთს ეხება (და განსაკუთრებით მის ურთიერთობას ევროკავშირთან), ნითელ ხაზს წარმოადგენს და, როგორც დავინახეთ, ნიქოზია მზადაა, გამოიყენოს მისი წევრობა ორგანიზაციაში თურქეთის წინააღმდეგ. ასე რომ, მანამდე, სანამ კვიპროსი ორადაა გაყოფილი და თურქეთის მთავრობა კომპრომისზე წასვლას არ აპირებს, ევროკავშირის წევრობა შორეულ პერსპექტივად

დარჩება, სხვა დაბრკოლებებზე, რომ აღარ ვისაუბროთ.

ამას გარდა, თურქეთს მართებს ურთიერთობის დარეგულირება ორგანიზაციის კიდევ ერთ წევრ საბერძნეთთან. ევროკავშირის შიგნით კარგად იციან, რომ დაპირისპირებული სახელმწიფოების წევრობა კარგს არაფერს მოუტანს ორგანიზაციას. სწორედ ამიტომ ერთ-ერთი მთავარი მოთხოვნა თურქეთისთვის მეზობლებთან ურთიერთობების დარეგულირებაა. თურქეთს ქვეყნის შიგნითაც გააჩნია რიგი პრობლემები (ქურთების პრობლემა, დემოკრატიის ნაკლებობა), რაც ასევე აბრკოლებს ურთიერთობების გაღრმავებას ევროკავშირთან. თავად ორგანიზაციის შიგნით კი თურქეთის წევრობაზე საკუთარი სკეპტიკური აზრი გააჩნიათ.

ევროკავშირის დიდ ქვეყნებს აშინებთ თურქეთის მზარდი მოსახლეობა და ეკონომიკა, რაც საშუალებას მისცემს თურქეთს, განწვერიანების შემთხვევაში, ერთ-ერთ მთავარ აქტორად მოგვევლინოს და გადაფაროს საფრანგეთისა და გერმანიის როლიც კი. ევროკავშირს ასევე აფრთხობს თურქეთის მეზობლობა არასტაბილურ ახლო აღმოსავლეთთან, რაც იმას ნიშნავს, რომ თურქეთის განწვერიანებით ორგანიზაცია მისი მეზობელი გახდება. მიუხედავად იმისა, რომ თურქეთის მიზანი ყოველთვის იყო ევროკავშირის წევრობა და ევროკავშირისთვისაც თურქეთი ყოველთვის წარმოადგენდა მნიშვნელოვან პარტნიორსა და დასაყრდნობს, ბოლო პერიოდში ქვეყნის მხრიდან ევროკავშირის წევრობის სურვილი განეწიდა.

ევროპის კრიზისმა მაშინ, როცა თურქეთის ეკონომიკა კვლავ აგრძელებდა ზრდას, გააჩნია დიდი ეჭვი თურქეთის შიგნით, რამდენად მომგებიანი იქნებოდა განწვერიანება. ბოლო კვლევებით ნათელი გახდა, რომ თურქეთის მოსახლეობაშიც შემცირდა ევროკავშირში განწვერიანების მხარდაჭერა. ერდოღანის განცხადება ნათლად მეტყველებს იმაზე, რომ თურქეთი ევროკავშირს, როგორც ზემდგომ ორგანოს აღარ უყურებს, არამედ, როგორც მის ტოლ აქტორს. ერდოღანის მთავრობა მიუთითებს, რომ მისი ქვეყანა არ აპირებს, ევროკავშირის ყოველი თითის დაქნევაზე კუდი აქნიოს და მისი ყველა მოთხოვნა უპირობოდ შეასრულოს.

იმის განცხადება, რომ თუკი ევროკავშირი მის წინაშე არსებულ შეთანხმებებს ვერ განახორციელებს, არც თურქეთი აპირებს მისი ნილი პირობის შესრულებას, მხოლოდ იმის ნიშანია, რომ თურქეთისთვის ევროკავშირში განწვერიანება მთავარი პრიორიტეტი სულაც აღარაა. ამას ისიც ემატება, რომ მიგრანტთა კრიზისმა ევროკავშირი უფრო მეტად დამოკიდებული გახადა თურქეთზე, რაც ერდოღანის მთავრობის ნისქვილზე ასხამს წყალს. ამგვარმა დამოკიდებულებამ მოგვცა ახალი რეალობა: თურქეთის სურვილისა და მზადყოფნის გარეშე ევ-

როკავშირს ისედაც გართულებული კრიზისის მოგვარება კიდევ უფრო გაუჭირდება. კრიზისმა საკმაოდ შეცვალა არსებული სურათი. აქედან მოყოლებული არა მხოლოდ თურქეთის ცალმხრივ სურვილს ვიღებთ ევროკავშირთან ურთიერთობების გაუმჯობესებაზე, არამედ თავად

ორგანიზაციაც გახდა იძულებული, იზრუნოს მასზე. ერდოღანი თავისი განცხადებებით ადასტურებს, რომ მხოლოდ თურქეთს კი არ სჭირდება ევროკავშირი (თუმცა თურქეთში ამის ირგვლის უკვე საკმაოდ დიდი კითხვის ნიშანია გაჩენილი), არამედ პირიქითაც.

**BREAKING NEWS**

## სტამბულში მომხდარი ტერორისტული აქტების შესახებ აშშ-მ წინასწარ იცოდა

სტამბულში მომხდარი ტერორისტული აქტების შესახებ აშშ-მ წინასწარ იცოდა

ამერიკის შეერთებული შტატების საელჩომ თურქეთის რესპუბლიკაში 9 აპრილის დილას გააფრთხილა თავისი ქვეყნის მოქალაქეები მოსალაოდნელი ტერორისტული აქტების შესახებ სტამბულსა და ანტალიაში.

„აშშ-ს მისია თურქეთში აცნობებს ამერიკის მოქალაქეებს, რომ ტერორისტულ ადგილებში არსებობს ტერორიზმის საფრთხე, განსაკუთრებით სტამბულსა და ანტალიაში. განსაკუთრებული სიფრთხილე გამოიჩინეთ თუ იმყოფებით საჯარო თავშესაფრის ადგილებში ამ ქალაქებში“, - ნათქვამია განცხადებაში, რომელიც საელჩომ საკუთარ ვებ გვერდზე გამოაქვეყნა. რამდენიმე საათში ამერიკის შეერთ-

ბული შტატების სპეცსამსახურების მოლოდინები გამართლდა, სტამბულში ავტობუსის გაჩერებასთან მომხდარი აქტების შედეგად სულ მცირე 3 ადამიანი დაშავებული. დაღუპულები არ არიან.

თუმცა აშშ არ ყოფილა ერთადერთი ვინც მოსალაოდნელი საფრთხის შესახებ წინასწარ ავრცელებდა ინფორმაციას. 8 აპრილს ისრაელმა მოუწონდა თავის მოქალაქეებს საერთოდ არ ჩასულიყვნენ თურქეთში ან გარიდებოდნენ მას რაც შეიძლება მალე.

10 აპრილიდან სტამბულში განსაკუთრებული უსაფრთხოების ზომებია მიღებული, პოლიციაა მობილურებული მთავარ მოედნებსა და თავშესაფრის ადგილებში. სნაიპერები კი მაღალი შენობებიდან აკვირდებიან შესაძლო საფრთხის ზონებს.



# საფრანგეთში

# სექს-მომსახურებისთვის ფულის გადახდა არაკანონიერად მიიჩნია

სალომე ხვადალიძე

თითქმის სამწლიანი დებატების შემდეგ, საფრანგეთის ნაციონალურმა ასამბლეამ 6 აპრილს პროსტიტუცია ქალების წინააღმდეგ ერთ-ერთ ყველაზე ცუდ ძალადობის ფორმად სცნო და სექს-მომსახურებისთვის ფულის გადახდა არაკანონიერად მიიჩნია.

ახალი კანონის მიხედვით, ნებისმიერი ადამიანი, რომელიც სექს-მუშაკს მომსახურებაში ფულს გადაუხდის, იქნება არამხოლოდ დაჯარიმებული, არამედ ვალდებული, დაესწროს სემინარებს პროსტიტუციის ზიანზე. კანონის პირველად დარღვევაზე გათვალისწინებული ჯარიმა 1,500 ევროს ოდენობით, ხოლო დარღვევის განმეორებით დაფიქსირების შემთხვევაში, აღნიშნული ჯარიმა 3,750 ევრომდე იზრდება და აისახება ჩანაწერში პროვინციის კრიმინალურ ნარსულზე.

საფრანგეთის პარლამენტმა აღნიშნულ საკითხზე მსჯელობა ჯერ კიდევ 2013 წელს დაიწყო, თუმცა რამდენიმე მოსმენის შემდეგ საბოლოო ხმის მიცემა გადავადდა პარლამენტის ზედა პალატის (სენატი) და ქვედა პალატის (ნაციონალური ასამბლეა) შეუთანხმებლობის გამო. კანონპროექტის საბოლოო ვერსია სწორედ 64 ხმით 12 ხმის წინააღმდეგ 6 აპრილს დამტკიცდა - წინა სამი კანონპროექტი 2013-2016 წლებში სენატის მიერ იქნა უარყოფილი. აღსანიშნავია, რომ 577 დეპუტატიდან, უმრავლესობამ ხმის მიცემაში მონაწილეობა არ მიიღო.

ამ ცვლილებით საფრანგეთი იმ სულ რამდენიმე ევროპული სახელმწიფოებიდან ერთი-ერთი ხდება, რომლებმაც ჩრდილოეთის მოდელის იმპლემენტაცია მოახდინეს. ამ მოდელის მიხედვით, სექს-მუშაკების მაგივრად, დასჯის ობიექტები მომხმარებლები ხდებიან. პროსტიტუციაში ჩართული ქალები, ბავშვები და მამაკაცები კი სოციალურ მხარდაჭერას მიიღებენ. ჩრდილოეთის მოდელით ხელმძღვანელობენ ისეთი ქვეყნები, როგორცაა ნორვეგია, შვედეთი და ისლანდია, ხოლო მსგავსი ან ნაწილობრივ იგივე კანონები არის გაერთიანებული სამეფოს ნაწილში ჩრდილოეთ ირლანდიის სახით, დანიასა და ფინეთში.

სოციალისტმა პარლამენტარმა მოდ ოლივიემ, რომელიც ინიციატორი გახლდათ, განაცხადა, რომ პროექტის მიზანია იმ სექს-მუშაკების დაცვა, რომლებსაც ბიზნესის დატოვება სურთ. "ჩვენ არ შეგვიძლია მივიღოთ ის რეალობა, სადაც სხეული იყიდება იმიტომ, რომ ვიღაცას ფული აქვს, მეორეს კი ფინანსურად უჭირს და საპროსტიტუციო ქსელში იმის გამო ჩართული, რომ პროსტიტუციის მოგვარების სწრაფ გზებს ეძებს და არ აქვს სხვა გამოსავალი. ჩვენ უნდა შევცვალოთ საზოგადოებაში გაბატონებული აზრი, თითქოს პროსტიტუცია არის საჭირო ბოროტება, რომელიც ნებაყოფლობით არჩევანზეა დაფუძნებული." პარლამენტში სოციალისტების ჯგუფის

ხელმძღვანელის, ბრუნო ლე რუს განცხადებით კი, ჩვენ „არ უნდა ვიქირაოთ ქალი, როგორც მანქანას ვიქირაობთ. ჩვენი საზოგადოება აღარ უნდა შეეგუოს ამას.“

კანონპროექტს დადებითად ეხმაურებიან სხვა ოფიციალური პირებიც. საფრანგეთის პრემიერ-მინისტრმა მანუელ ვალმა თვით-ერთზე დაწერა მესიჯი, სადაც ამბობდა, რომ ახალი კანონპროექტი „წინ გადადგმული დიდი ნაბიჯი“ იყო ქალების უფლებებისთვის. ქალთა უფლებების დაცვის მინისტრმა კი, ლორანს როსინიოლმა, ხმის მიცემის პროცედურამდე ნაციონალურ ასამბლეას მიმართა სიტყვით, რომელიც ამბობდა, რომ პროსტიტუცია „ქალის მიმართ ძალადობაა“ და ამ პრობლემასთან გამკლავების ახალი ზომა გზავნილი იქნებოდა ყველა სექს-მუშაკისთვის - „სახელმწიფო, პარლამენტი და საზოგადოება, როგორც იქნა, აღიარებს საპროსტიტუციო სისტემის ძალადობას.“

თუმცა ზოგიერთ ოფიციალურ პირთან ერთად, კანონპროექტს ეწინააღმდეგებიან სექს-მუშაკებიც, რომლებმაც აქცია გამართეს და ინიციატივას „რეპრესიული“ უწოდეს. კანონპროექტის მიხედვით, 4.8 მილიონი ევროს ოდენობის თანხა გამოყოფილი იქნება სექს-მუშაკების მხარდაჭერისთვის, რათა თავი დააღწიონ პროსტიტუციის და იმისთვის, რომ კანონდამრღვევებად კლიენტები განიხილებოდნენ. შთაბეჭდილება იქნება, რომ კანონი 30-40 ათას სექს-მუშაკს უფრო დაუცველს გახდის და სასიკეთო ცვლილებებს ვერ მოიტანს.

ბუნებრივია, ის ფაქტი, რომ ახალი კანონპროექტი წლების განმავლობაში დავის საგანი იყო, მონიშნავს იმას, რომ სახელმწიფო სტრუქტურებში, ისევე როგორც სა-



და WECF Georgia-ის კოორდინატორი, ამბობს, რომ „შვედური მოდელი“ (შვედეთში ის 1999 წელს შემოიღეს) „სახელმწიფოს მხრიდან პრობლემის მოგვარების არაეფექტური, პოპულისტური და საშიში მიდგომაა კი არის, სექს ინდუსტრიაში ჩაბმული ქალებისთვის.“

„პრობლემები სინამდვილეში არ გვარდება და მიწისქვეშა გადადის, რაც უფრო ამძიმებს და თან უხილავს ხდის პრობლემას. დარწმუნებული ვარ, ასე იქნება ამ შემთხვევაშიც. სექს-მუშაკი ქალები კიდევ უფრო დაუცველები და მარგინალიზებულიები გახდებიან, რადგან მიწისქვეშეთში აღმოჩენილი ინდუსტრია მეტად კრიმინალური, ძალადობრივი და უკონტროლოა,“ - ამბობს ის.

უნდა ითქვას, რომ სტოკჰოლმის სახელმწიფო სააგენტოს კვლევის თანახმად, 1995 წლიდან პროსტიტუცია განახევრდა, ხოლო იმ მამ-

მინც არსებობს და გენდერის სპეციალისტი იდა ბახტურიძეს სწორედ ამზე საუბრობს. მისი თქმით, ეს რეალობა არ არის რელევანტური არც საფრანგეთისთვის და არც სხვა ქვეყნისთვის.

„შემცირებული სტატისტიკა ყოველთვის არ ნიშნავს პრობლემის მასშტაბების შემცირებას, მით უფრო, თუ ეს სტატისტიკა ეხება არალეგალურ საქმიანობას. ლოგიკურია, რომ ანდერგრაუნდში გადასული საქმიანობის სტატისტიკის წარმოება, ბევრად რთული ხდება და შემცირდება, შესაძლოა, აქედან გამომდინარე იყოს“, - აცხადებს ფემინისტი აქტივისტი და მიუთითებს იმ ფაქტზეც, რომ აღნიშნულ ქვეყნებში გაიზარდა ინტერნეტ პროსტიტუცია, ქუჩის პროსტიტუციის შემცირების პარალელურად, ანუ სინამდვილეში, შესაძლოა, შეიცვალა მხოლოდ ფორმები და პრობლემა რჩება

ის აიძულებს ქალებს უფრო მალე ჩასხდნენ მანქანაში მამაკაცთან და არ აქვთ დრო, დარწმუნდნენ იმყოფება ის ალკოჰოლის ზეგავლენის ქვეშ თუ არა, ან ნარკოტიკების გავლენის ქვეშ ხომ არაა.

იდა ბახტურიძის თქმით, შემცირებული სტატისტიკა კავშირში რომც იყოს პრობლემის მოგვარებასთან და პროსტიტუციის რეალურ შემცირებასთან, შედეგის მაგალითი მაინც ვერ გამოდგება ყველა დანარჩენი ქვეყნისთვის.

„არც საფრანგეთი და არც ბევრი სხვა ქვეყანა არ არის შვედეთის-ნაირი სოციალური კეთილდღეობის ქვეყანა. იქ, სადაც შენს მოქალაქეს ვერ შეუქმნი ალტერნატიული შემოსავლისა თუ ღირსეული ცხოვრების სხვა პირობებს, გამოსავლად იმ წყაროს შეზღუდვა არ უნდა შესთავაზო, რითიც დღეს ცხოვრობს, თან ისე, რომ სექს-მუშაკებს არ ჰკითხო რა ურჩევიათ,“ - ამბობს იდა ბახტურიძე და ამბობს, რომ აკრძალვის გამოსავლად შემოსავლა არის ტყუილი სახელმწიფოს მხრიდან.

ასეა თუ ისე, როგორც გამოცდილება გვიჩვენებს, ბოლო დროს სახელმწიფოების მხრიდან პროსტიტუციაზე რეაგირების ორი ურთიერთსაწინააღმდეგო მიდგომა არსებობს: პროსტიტუციის ლეგალიზება ან მისი კანონით აკრძალვა. ლეგალიზაცია, ისევე, როგორც მისი აკრძალვა, არცნა უამრავ კითხვას. პროსტიტუციაში ჩაბმა ხომ სწორად ნებაყოფლობითი არ არის, ხშირად დაკავშირებულია ტრეფიკინგთან და ბავშვების პროსტიტუციაში ჩაბმასთან.

თანაც, პროსტიტუცია ერთგვარი ფულადი ექსპლუატაციაა და ძალადობის კულტურის სათავეშია მოქცეული. ცხადია, როცა გამოკითხულთა 90 პროცენტზე მეტი ამბობს, რომ არჩევანის ქონის შემთხვევაში, ამ საქმიანობაში არ ჩაებმებოდნენ, მონიშნავს, რომ სახელმწიფომ არ უნდა აირიდოს თავიდან პასუხისმგებლობა და პრობლემის აღმოფხვრის ეფექტური და შესაძლოა, ახალი გზებიც კი უნდა ეძებოს.

**„პრობლემები სინამდვილეში არ გვარდება და მიწისქვეშა გადადის, რაც უფრო ამძიმებს და თან უხილავს ხდის პრობლემას. დარწმუნებული ვარ, ასე იქნება ამ შემთხვევაშიც. სექს-მუშაკი ქალები კიდევ უფრო დაუცველები და მარგინალიზებულიები გახდებიან, რადგან მიწისქვეშეთში აღმოჩენილი ინდუსტრია მეტად კრიმინალური, ძალადობრივი და უკონტროლოა,“ - იდა ბახტურიძე**

ზოგადოებაში, მას ჯერ კიდევ სექს-ტიკურად უყურებენ, ჩრდილოეთის მოდელი კი კრიტიკის საგანი ხდება. ახალი კანონპროექტის მოწინააღმდეგე მხარე საუბრობს იმაზე, რომ ამან, შესაძლოა, უფრო მეტად შეუწყოს ხელი სექს-მუშაკების მიერ მომსახურების ფარულად განევას, რაც მათ უსაფრთხოებას უქმნის საფრთხეს.

იდა ბახტურიძე, ფემინისტების დამოუკიდებელი ჯგუფის წევრი

აკაცების რაოდენობა, რომლებიც ამბობენ, რომ სექს მომსახურებაში ფული გადაუხდიათ, 40%-ით შემცირდა. არსებული კვლევა თანხვედრაშია შვედეთის მთავრობის 2010 წლის ოფიციალურ ანგარიშთან, რომელიც მონიშნავს, რომ მიღებულმა კანონმა შეამცირა ტრეფიკინგი და შეცვალა დამოკიდებულება სექს მომსახურების მიმართ.

ამის მიუხედავად, ახალი კანონის საწინააღმდეგო არგუმენტები

პრობლემად. მალმოს უნივერსიტეტის სექსუალური განათლების შვედური ასოციაციის თანახმად, პროსტიტუციის მონაცემების შემცირებაში მობილურმა ტელეფონებმა და ინტერნეტმა დიდი როლი ითამაშა: „კლიენტები“ და სექს-მუშაკები ერთმანეთს ელექტრონულად უკავშირდებიან. კითხვები ჩნდება უსაფრთხოებაზეც: კანონის მოწინააღმდეგეები იმასაც ამბობენ, რომ

# ქვეყნის უმსხვილესი ინვესტორი საქართველოს მთავრობას ანბარიშს აბარებს

8 აპრილს მთავრობის წევრები ვიცე-პრემიერი/ენერჯეტიკის მინისტრის კახა კალაძის მეთაურობით ქვეყნის უმსხვილესი ინვესტორის „აჭარისწყალი ჯორჯიას“ (AGL) ანგარიშს დაეწინაურა. ღონისძიებას ასევე ესწრებოდნენ, საერთაშორისო ფინანსური ინსტიტუტების წარმომადგენლები (EBRD, ADB, IFC) და ენერჯო სექტორში მომუშავე ექსპერტები.

ღონისძიება ენერჯეტიკის სამინისტროსა და ენერჯოკომპანია აჭარისწყალი ჯორჯიას (AGL) ერთობლივი ორგანიზებით გაიმართა. ღონისძიებაზე სიტყვით გამოვიდნენ ვიცე-პრემიერი, საქართველოს ენერჯეტიკის მინისტრი კახა კალაძე, კომპანია „აჭარისწყალი ჯორჯიას“ სამეთვალყურეო საბჭოს თავმჯდომარე კირე ოლაფ იოჰანსენი, კომპანიის აღმასრულებელი დირექტორი რონი სოლბერგი.

კომპანია „აჭარისწყალი ჯორჯია“ საქართველოში ერთ-ერთ უმსხვილეს საინვესტიციო ინფრასტრუქტურულ პროექტს, შუახევიჰესის მშენებლობას ახორციელებს. კომპანია ერთობლივი სანარმოა შექმნილი ინდური კომპანია თატა ჯონერის ნორვეგიული კომპანია Clean Energy-ის და საერთაშორისო საფინანსო კორპორაცია IFC-ის მიერ. ინვესტიციის მოცულობა შეადგენს 416 მილიონ ამერიკულ დოლარს. პროექტის ფარგლებში დასაქმებულია 730 საქართველოს მოქალაქე. შუახევიჰესის სამშენებლო სამუშაოების 75 პროცენტი დასრულებულია, მიმდინარე წლის შემოდგომამდე კი პროექტი მთლიანად სრულდება და გაზაფხულიდან ჰესი ოპერირებას დაიწყებს, რის შემდგომაც საქართველოს

ელექტროსისტემას 187 მეგავატი სუფთა ენერჯის მწარმოებელი სადგური შეემატება, რაც თვის წვლილს შეიტანს ქვეყნის ენერჯოდამოუკიდებლობისკენ სვლის პროცესში.

„აჭარისწყალი ჯორჯიას“ საქმიანობა მაკროეკონომიკის მხრივ სოციალურ განვითარებას და პროექტის არეალში მცხოვრები ადამიანების ცხოვრების დონის გაუმჯობესებას. კომპანია მაკროეკონომიკის აჭარის გრძელვადიანი განვითარების მიზნით ახორციელებს სოციალურ პროექტებს რეგიონისათვის პრიორიტეტული მიმართულებებით: განათლება და ცნობიერების ამაღლება, თემების გაძლიერება და ინფრასტრუქტურული პროექტები.

პროექტის დასრულების შემდგომ კომპანია ყოველწლიურად მილიონობით ლარს შეიტანს ადგილობრივ ბიუჯეტში (მოგების გადასახადი - 10%), რაც პირდაპირ აისახება და გააუმჯობესებს აჭარის რეგიონში მცხოვრები მოსახლეობის სოციალურ უზრუნველყოფას. კომპანია „აჭარისწყალი ჯორჯია“ მოწოდებულია დაიცვას გარემო, პროექტის მშენებლობის არეალში და მის მიმდებარე ტერიტორიაზე, როგორც მშენებლობის ფაზაზე ასევე მისი ექსპლუატაციაში შესვლის შემდგომ.

გარემოზე ზემოქმედების მინიმუმამდე შემცირების მიზნით კომპანია ახორციელებს შემარბილებელ და საკომპენსაციო ღონისძიებებს. ყოველწლიურ საქმიანობაში ხელმძღვანელობს საქართველოს კანონ-



მდებლობის, საერთაშორისო სტანდარტებისა და საუკეთესო პრაქტიკის შესაბამისად.

შუახევიჰესის პროექტი პირველი შიდროენერჯეტიკული პროექტია საქართველოში, რომელიც სერთიფიცირებულია გაეროს ჩარჩო კონვენციის კლიმატს ცვლილებების შესახებ ნახშირბადის გამოყოფის შესამცირებლად. შუახევიჰესი გამოიმუშავებს 450 გიგავატ/საათ ელექტროენერჯის და უზრუნველყოფს სათბური გაზების შემცირებას წელიწადში 200 000 ტონაზე მეტით.

„დამოუკიდებლობის მოპოვების დღიდან ყველაზე დიდი და მნიშვნელოვანი პროექტის განხორციელებას აღვნიშნავთ. ეს არის უზარმაზარი ნაბიჯი ჩვენი ენერჯეტიკის განვითარების საქმეში. ჩვენი

მიზანია, მოხდეს ენერჯო რესურსების რაციონალური ათვისება, რათა ხელი შეუწყოს ქვეყნის ენერჯოდამოუკიდებლობის უზრუნველყოფას. აღსანიშნავია, რომ საერთაშორისო საფინანსო ინსტიტუტებსა და ნამყვან კომპანიებთან თანამშრომლობა უმნიშვნელოვანესი საწინდარია საქართველოს ეკონომიკის განვითარებისათვის, რომელიც ენერჯეტიკის სექტორის განვითარებასთან მჭიდრო კავშირშია“, - განაცხადა ღონისძიებაზე სიტყვით გამოსვლისას კახა კალაძე.

„ჩვენ მიგვაჩნია, რომ შუახევიჰესის წარმატება ნიშნავს მაკროეკონომიკის აჭარის გრძელვადიან განვითარებას. სოციალური პასუხისმგებლობა ჩვენთვის პრიორიტეტია, სწორედ ამიტომ, 70-ზე

მეტ სოციალურ პროექტს ვახორციელებთ მაკროეკონომიკის აჭარაში. ვაშენებთ გზებს, წყლის სისტემებს, ვახორციელებთ სკოლების და ბაღების რეაბილიტაციას, ადგილობრივი მასწავლებლებისთვის და მოსწავლეებისთვის მიმდინარეობს საგანმანათლებლო პროექტები. გარდა ამისა რაც ჩემთვის ძალიან საამაყოა, ვხედავთ ადგილობრივ მცირე ბიზნესს განვითარებაში, როგორც თეორიული სწავლებით ასევე ფინანსურად. ჩვენი მთავარი მიზანია შუახევიჰესის მშენებლობის პარალელურად განვითარდეს რეგიონი სადაც ჩვენ საქმიანობას ვწევით.“ - განაცხადა ღონისძიებაზე სიტყვით გამოსვლისას კომპანიის აღმასრულებელი დირექტორმა რონი სოლბერგმა.

## დიმიტრი ქუმსიშვილი ტურიზმის სექტორს ფასების დარეგულირებაში სიფრთხილისკენ მოუწოდებს



საქართველოს ვიცე-პრემიერის, დიმიტრი ქუმსიშვილის განცხადებით, ტურიზმის მიმართულებით საქართველოზე მოთხოვნა მკვეთრად არის გაზრდილი, რაც რამდენიმე გამოკვლევის მიხედვით დასტურდება.

„შარშანდელთან შედარებით წელს გაცილებით მეტი შემოსავალს ველოდებით ტურიზმიდან. 2015 წელს ტურიზმმა დააგენერირა მილიარდ ცხრას ოცდათხუთმეტი მილიონი დოლარი, რაც 2014 წელთან შედარებით 148 მილიონი დოლარით მეტია“, - განაცხადა ქუმსიშვილმა.

მინისტრმა ტურიზმის სექტორს მოუწოდა, რომ ძალიან ფრთხილები იყვნენ ფასებთან მიმართებაში, რადგან მფობელი ქვეყნები ტურიზმის კუთხით საკმაოდ კონკურენტულები არიან.

„შესაბამისად, უნდა გვახსოვდეს, რომ ფასისა და სერვისის შესაბამ-

ისობა არის ძალიან მნიშვნელოვანი იმისთვის, რომ არ დაკარგოთ ტურისტები“, - აღნიშნა ეკონომიკის მინისტრმა.

მისი თქმით სამინისტრო აქტიურად მუშაობს არაერთ ავიაკომპანიასთან, რომ რაც შეიძლება მეტი სტუმარი ჩამოვიდეს და რაც შეიძლება იაფი ღირდეს ბილეთი. ქუმსიშვილმა ისიც დაანონსა, რომ ივნისის თვეში უკვე იქნება განახლებული ასაფრენ-დასაფრენი ზოლი, ხოლო მანამდე, მთელი ამ პერიოდის მანძილზე, საკმაოდ დაძაბული გრაფიკა აეროპორტში, რადგან საღამოს რვა საათიდან დილის ათ საათამდე ხდება სტუმრების მიღება.

გარდა ამისა, ტურიზმის ეროვნული სააგენტოს ბიუჯეტიდან მაქსიმალურ მხარდაჭერას ექნებათ ისეთ პროექტებს, როგორც არის Cჰეცკ ინ ჩეორგია, რომ რაც შეიძლება მეტი ტურისტის მოზიდვა მოხდეს.

## ბარდაბნის მუნიციპალიტეტში მზის ენერჯის პოტენციალის უმსხვილესი ინვესტიცია



8 აპრილს გამართულ მთავრობის სხდომაზე მოინონეს მემორანდუმის პროექტი, რომელიც საქართველოს ენერჯეტიკის სამინისტროსა და კომპანია „მზის ენერჯის კომპანია“ შორის დაიდო. სამინისტროს განმარტებით მემორანდუმში ითვალისწინება გარდაბნის მუნიციპალიტეტში, ქალაქ გარდაბნისა და სოფელ კალინინოს ტერიტორიაზე მზის პოტენციალის შესწავლა. კონკრეტულად, ელექტროსადგურის მშენებლობის ტექნიკურ-ეკონომიკური საკითხების შესწავლას - შემდგომში მისი მშენებლობის, ფლობისა და ოპერირების მიზნით. მემორანდუმის თანახმად კომპა-

ნია 12 თვის განმავლობაში გარდაბნის მიმდებარე ტერიტორიაზე ჩაატარებს ტექნიკურ-ეკონომიკურ კვლევას და საჯარო განხილვებს, მოამზადებს გარემოზე ზემოქმედების შეფასების ანგარიშს და ელექტროსადგურის მშენებლობის შესახებ შესაბამის წინადადებას წარუდგინებს საქართველოს ენერჯეტიკის სამინისტროს.

ამერიკულ კომპანია „Headwall Power International“-ს, რომლის წარმომადგენელი საქართველოში „მზის ენერჯის კომპანია“, დიდი საერთაშორისო გამოცდილება აქვს ალტერნატიული ენერჯეტიკის მიმართულებით.





# „ბრიჯ-ინოვაცია და განვითარება“ გენდერულად სენსიტიური საგობადობის საჭიროებების კვლევება

თამარ უფრიანი **EXCLUSIVE**

საქართველოში გენდერული მენსტრუალიზმის დღიური აქტიურობა, თუმცა ცოტას თუ ესმის მისი მნიშვნელობა და საჭიროება. გენდერულად სენსიტიური საზოგადოების შექმნის აუცილებლობაზე „ოზბრევი“ ადგილობრივი არასამთავრობო ორგანიზაცია „ბრიჯ-ინოვაცია და განვითარების“ პროგრამის მენეჯერს ნინო ჯანაშიას ესაუბრა. 29 მარტს, სწორედ აღნიშნული ორგანიზაციისა და ბრიტანული საქველმოქმედო ორგანიზაცია ოქსფამის საქართველოს წარმომადგენლობის მხარდაჭერით გაიმართა კონფერენცია თემაზე: გენდერი და სასურსათო უსაფრთხოება კონფერენციაზე სტუმრები გაეცნენ სასურსათო უსაფრთხოების კონცეფციის გენდერული ანალიზის შედეგებს, ნუტრიციის საკითხებისადმი გენდერულად სენსიტიურ მიდგომებს, ასევე დარგის ექსპერტებისგან მოისმინეს მოხსენებები სოფლის მეურნეობაში ქალთა მონაწილეობის არსებული ბარიერებისა და ეკონომიკური საჭიროებების შესახებ.

## რამ განაპირობებს ახალ ორგანიზაციის ჩამოყალიბებას და რამდენად ურთიერთდაკავშირებულია ბრიჯისა და ოქსფამის საქმიანობა?

ბრიჯ-ინოვაცია და განვითარება არის ახალი არასამთავრობო ორგანიზაცია, რომელიც შეიქმნა 2015 წელს სწორედ ოქსფამის მიერ იმისთვის, რომ ადგილობრივი ორგანიზაციის ფარგლებში მოხდარიყო იმ პროექტების გაგრძელება, რასაც ოქსფამი უკვე 22 წელია საქართველოში ძალიან წარმატებით ახორციელებს.

ბრიჯი გააგრძელებს ოქსფამის საქმიანობის ხაზს და იგივე სამუშაოს, რასაც ოქსფამი აკეთებდა წლები მანძილზე. ეს არის ძირითადად სიღარიბეთან ბრძოლა, სოციალურად დაუცველი მოწყვლადი ჯგუფების მხარდაჭერა, განსაკუთრების სოფლის მეურნეობის განვითარების მხარდაჭერა. გარდა ამისა ვინც ახალ პროექტს, რომელიც ასევე ოქსფამის ხაზის გაგრძელებაა და მისი მხარდაჭერით განხორციელდა აჭარის მაღალმთიან რეგიონებში. ეს არის ბუნებრივი კატასტროფების რისკების მართვა და მის რეპლიკაციას უკვე ჩვენ კახეთსა და მცხეთა - მთიანეთის რეგიონში მოვახდენთ. ჩვენ ასევე ვმუშაობთ ზოგადად ადამიანის უფლებების და გენდერული თანასწორობის თემაზე, რაც იმას ნიშნავს, რომ ყველა ჩვენს ძროექტში რასაც ვაკეთებთ გენდერული თანასწორობის და ადამიანის უფლებების პრინციპების ინტეგრირებას ვცდილობთ ბოლომდე.

## რამ გამოიწვია სოფლის მეურნეობაში გენდერული მენსტრუალის გააქტიურება და როგორია ამ მხრივ სტატისტიკური მონაცემები?

ჩვენ ვფიქრობთ, რომ გენდერული

თანასწორობის პრინციპებს ზოგადად ყველა საკითხში უნდა დაეთმოს ყურადღება, ეს უბრალოდ ჩვენი მიდგომა არის, იმისთვის რომ ქვეყანა სწორად განვითარდეს ქალებიც და კაცებიც ერთნაირად უნდა იყვნენ ჩართულნი ქვეყნის განვითარებაში. რაც შეეხება სასურსათო უსაფრთხოებას, ეს ის თემაა, რომელზეც საკმაოდ დიდი ხანია წარმატებით მუშაობს ოქსფამი; მისი მხარდაჭერით შეიქმნა სასურსათო უსაფრთხოების სამოქმედო გეგმა. როდესაც გავცანით აღნიშნულ გეგმას და სოფლის მეურნეობის სტრატეგიას მივხვდით რომ ენ გენდერული მენსტრუალიზმი იყო ძალიან საჭირო. გენდერული ასპექტები და გენდერული ხედვა აკლდა ამ კონცეფციებს და შესაბამისად ჩვენს ექსპერტთან ერთად ვეცადეთ გავგვეკეთებინა ქვეყნის სასურსათო უსაფრთხოების პოლიტიკის გენდერული ანალიზი. რის შედეგადაც გამოვლინდა, რომ საკმაოდ მნიშვნელოვანი ცვლილებები არის განსახორციელებელი ქვეყნის სასურსათო უსაფრთხოების პოლიტიკაში იმ თვალსაზრისით რომ გენდერული თანასწორობის პრინციპებზე დაყრდნობით გავითვისოთ სასურსათო უსაფრთხოების პოლიტიკა.

რატომ მაინც და მაინც გენდერი? რომ გადავხედოთ სტატისტიკას, ყოველწლიურად ქვეყნის მსოფლიოს გენდერული სხვაობის გლობალური ანგარიში და მის 2015 წლის ანგარიშში ვნახეთ, რომ საქართველო არის უკანა პოზიციებზე, 82-ე ადგილზე 145 ქვეყანას შორის იმის მიხედვით, თუ რამდენად ამომწურავად ვიყენებთ ქალების პოტენციალს. სასურსათო უსაფრთხოება ნიშნავს როგორც სურსათის წარმოებას ასევე სურსათის მოხმარებას. წარმოების პროცესში უნდა იყოს აუცილებლად ქალის პოტენციალი გამოყენებული და რასაკვირველია მოხმარების პროცესშიც. ქალს ისევე უნდა შეეძლოს სურსათის მოხმარება ისეთივე საჭიროებით რაც მას გააჩნია რომ არ იყოს გენდერული განსხვავება არც წარმოებაში და არც მოხმარებაში. ეს არის ჩვენი ძირითადი მიზანი, რომ ეს უთანასწორობა როგორც სურსათის წარმოებაში ისე მოხმარებაში ქალსა და მამაკაცს შორის არ არსებობდეს.

## რა ძირითადი გენდერული ბარიერები არსებობს სოფლის მეურნეობაში ჩართული ქალებისთვის?

ბარიერები ძალიან ბევრია; პირველ რიგში გამოყოფილი მიწის, საკუთრების ფლობის მომენტს. სტატისტიკური მონაცემების მიხედვით საქართველოში მიწის მფლობელთა 80% არიან კაცები და 20% ქალები. ეს იმას ნიშნავს, რომ კულტურულად, ტრადიციულად ჩვენი სტერეოტიპების მიხედვით

საკუთრება გადაეცემა ოჯახში მამაკაცს. ეს ქალებს უქმნის ეკონომიკური დამოუკიდებლობის ბარიერს. თუ ქალს სურს, რომ დაინყოს ბიზნესი მას რა თქმა უნდა სჭირდება ფინანსები და ამ ფინანსებისთვის სჭირდება უზრუნველყოფის საშუალებები, რაც მას არ გააჩნია. მეორე საკითხი არის განათლება, ის ელემენტარული ცოდნა რაც ქალს სოფლის მეურნეობაში სჭირდება, ან ვინმე უნდა გადასცეს ან ტრენინგზე უნდა იაროს. თუმცა თუ სხვადასხვა ტრენინგებს დავაკვირდებით ძირითადად ესწრებიან მამაკაცები, მხოლოდ იმიტომ რომ ქალს აქვს სოფლად ორმაგი ტვირთი, ერთი სოფლის მეურნეობის ტვირთი და მეორე ოჯახის ტვირთი, რომელიც ბევრად უფრო მძიმეა.

ანაზღაურებას რაც შეეხება მსოფლიოში ასეთი ტრენდი არსებობს, რომ კაცის ხელფასი უფრო მაღალია ვიდრე ქალის. თუნდაც ფინანსური ინსტიტუტები, როცა კრედიტის გაცემაზე მივა საუბარი ქალის ბიზნესს უფრო არა სანდოდ მიიჩნევენ. ეს არსად არ წერია, მაგრამ თუკი დააკვირდებით სესხების გაცემის სტატისტიკას, დაინახავთ, რომ კაცის მართული ბიზნესის მიმართ უფრო მეტი ნდობა აქვთ ფინანსურ ინსტიტუტებსაც. სოფელშიც ასეა ქალის შრომა უფრო ნაკლებად ფასდება ვიდრე კაცის. „ბრიჯის“, „ოქსფამის“ და „ექსპერტ გლობალის“ ინიციატივით გავითავა ფილმი სოფლად მცხოვრები ქალების უხილავ ბარიერებზე და ბევრი ძებნის შედეგად ვიპოვეთ ერთადერთი გოგონა, რომელიც ტრაქტორს მართავს. მის მაგალითზე შეგვიძლია ვთქვათ, რომ მსგავს მანქანებთან მუშაობა არ მოითხოვს განსაკუთრებულ ძალას და უფრო მეტიც, თანამედროვე ტექნოლოგიების მართვა ფიზიკურ ძალას კი არა ცოდნას ფუფუნებას.

## რამდენად არიან სახელმწიფო სტრუქტურები ამ საკითხებზე მუშაობაში ჩართული და თავად თუ არიან ინოვატორები?

ზოგადად საქართველოს კანონმდებლობა გენდერულად სრულიად ნეიტრალურია. როდესაც განსაკუთრებული საჭიროებები აქვს ერთი სქესის წარმომადგენლებს მე ვფიქრობ, რომ კანონმდებლობა უნდა იყოს გენდერულად სენსიტიური. მას შემდეგ რაც გენდერული რეკომენდაციები გავაცანით სოფლის მეურნეობის სამინისტროს, ვფიქრობ, რომ ისინი დაინტერესებულნი არიან ჩვენთან თანამშრომლობით.

## როგორია ორგანიზაციის მიდგომა ნუტრიციის საკითხებთან დაკავშირებით?

ჩვენ ვეყრდნობით ოქსფამის მიერ ჩატარებულ ყოვლისმომცველ ნუტრიციულ კვლევას. ნუტრიციის თვალსაზრისით ქალს და კაცს განსხვავებული საჭიროებები აქვთ, განსაკუთრებით რეპროდუქციის პერიოდში. მნიშვნელოვანია სახელმწიფომ ამ ორი განსხვავებული



ლი საჭიროებების მქონე სქესის მოთხოვნილებები თანაბრად გაითვალისწინოს. ნუტრიციის კვლევით აღმოჩნდა, რომ ოჯახში 5 ჯგუფის საკვების მოხმარების შემთხვევაში, ქალი ერთი ჯგუფით ნაკლებს მოიხმარს. რაც იმას ნიშნავს, რომ ოჯახში ქალი საკვებს თომბს ვილაციის სასარგებლოდ. ეს, რა თქმა უნდა დედობრივი მზრუნველობის გამოვლინებაა, მაგრამ სახელმწიფომ ყურადღება უნდა მიაქციოს გენდერულ მენსტრუალს სხვადასხვა პროექტების განხორციელებისას. მხარდაჭერა სჭირდებათ სოციალურად დაუცველ და მოწყვლად ჯგუფებს, იძულებით გადაადგილებულ პირებს, სავალდებულოა დედათა და ბავშვთა საჭიროებების გათვალისწინება. საქართველოში მაღალია ანემიით დაავადებული ადამიანების რიცხვი, რაც გარკვეულწილად არასრულწლოვან კვებას უკავშირდება. საბოლოო ჯამში ამას ჯანდაცვის პრობლემამდე მივყავართ, სადაც საჭიროა ნუტრიციის სწორი დაგეგმვა და მასში ამ ასპექტების გათვალისწინება.

სახელმწიფოსგან ეს ძალიან საჭირო და მნიშვნელოვანი სვლაა. მე ვფიქრობ, ქვეყანაში სასურსათო უსაფრთხოების კანონიც უნდა არსებობდეს და პირველადი მოხმარების უმნიშვნელოვანეს საკვებად ფიქრები მასში უნდა იყოს განსაზღვრული. თუმცა ეს სამიწიკლო მნიშვნელობის გადაწყვეტილებაა და მტკიცე ბაზაზე დაყრდნობით, ექსპერტებისა და პროფესიონალების ჩართულობით უნდა იქნეს შემუშავებული. სტაბილური სასურსათო გარემოს შექმნისთვის აუცილებელია სოფლის მეურნეობის წარმოების გაზრდა და იმპორტზე ნაკლებად დამოკიდებულება.

## როგორია თქვენი რეკომენდაციები გენდერსა და სასურსათო უსაფრთხოების ქრილში?

ჩვენ გვაქვს რეკომენდაციების პაკეტი, რომელიც ჯერ კიდევ დამუშავების პროცესშია. იმედი გვაქვს მუშაობას სასურსათო უსაფრთხოების ჯგუფთან ერთად სოფლის მეურნეობის სამინისტროში ვავაგრძელებთ. სოფლად მცხოვრები ქალები მაქსიმალურად უნდა იყვნენ ეკონომიკის განვითარებაში ჩართულნი. ჩვენ გვაქვს გენდერული თანასწორობის კანონი და გენდერული თანასწორობის სამოქმედო გეგმა, რაც ქვეყნის განვითარებისთვის დიდი პოტენციალია, მისი გამოყენებლობა კი შემაფერხებელია.

## პარლამენტში შედგა შეხვედრის პროექტების ფორტიფიკაციასთან დაკავშირებით, როგორია „ბრიჯის“ მოსაზრება, საჭიროა თუ არა ქვეყანაში მსგავსი პროგრამის განხორციელება?

# 18 წლის ნიკოლოზ გარეჩილაძის წარმატება გლობალური ინოვაციების კონკურსზე

თავარ უფროსიანი **EXCLUSIVE**

ამერიკის სახელმწიფო დეპარტამენტის მიერ გამოცხადებულ კონკურსს Global Innovation through Science and Technology-ს ქართველი ნახევარფინანსისტი ჰყავს. ქართული ინოვაციური იდეა სახელწოდებით MotionX კონკურსში მონაწილე 104 ქვეყნის წარმომადგენლებს შორის ნახევარფინანსისტი აღმოჩნდა.

იდეის ავტორი 18 წლის ნიკოლოზ გარეჩილაძე LCC International University-ში, საერთაშორისო ბიზნეს ადმინისტრირების ფაკულტეტის სტუდენტია. მისი საკონკურსო იდეის განხორციელება კი ვირტუალურ რეჟიმში განათლების ხელმისაწვდომობას უზრუნველყოფს.

„MotionX არის იდეა, რომლის ფარგლებშიც მოხდება ვიდეო გადაღების, დამონტაჟებისა და ვებ-სივრცეში განთავსების ავტომატიზაცია. რაც განვითარებად რეგიონებში მყოფ საგანმანათლებლო დაწესებულებებს სასწავლო მასალის ვებ-სივრცეში მარტივად, მინიმალური ხარჯით განთავსების საშუალებას მისცემს“, - განაცხადა ნიკოლოზ გარეჩილაძემ „ოზურვერთან“ საუბრისას.

იდეის მთავარი ნაწილი სწორედ

ის ტექნოლოგიური გამოგონებაა რომელიც კამერების დამონტაჟების შემდეგ, გადაღებას, დამონტაჟებას და ატვირთვას თვითონ განხორციელებს. აქედან გამომდინარე პროექტი ხელს შეუწყობს განათლების პროცესში ჩაერთონ ადამიანები, ვისთვისაც ინფორმაცია აქამდე მიუწვდომელი იყო. გარდა ამისა, პროექტი მასალის ადაპტირებასაც (ენობრივ, კულტურულ და კონტენტურ) გულისხმობს, ეს კი განათლების სფეროს ადგილობრივი წარმომადგენლების ჩართვას შეუწყობს ხელს.

„აღსანიშნავია, რომ პროექტი საერთაშორისო მნიშვნელობისაა რადგან ბაზარზე მსგავსი სისტემის შესახებ რომელიც იგივე სტილით მუშაობს ინფორმაცია არ მოგვეპოვება. ხელმისაწვდომი კი იქნება ყველა ენაზე იმის და მიხედვით სად განთავსდება“, - აღნიშნა გარეჩილაძემ.

ახალგაზრდა ინოვაციური აქტიურადაა ჩართული სხვადასხვა ტიპის აქტივობებში, რაც სიახლის დანერგვასა და საზოგადოების კეთილდღეობის დონის ამაღლებას ემსახურება. სურს შექმნას ლირებული პროდუქტი, რომელიც გა-

ნათლების სფეროში მასშტაბურ პოზიტიურ ცვლილებას მოახდენს. გარეჩილაძის თქმით, MotionX-ის იდეა დიდი ხანი აქვს, მსავსი კონკურსი კი მისი რეალობად ქცევის შესანიშნავი საშუალებაა.

გლობალური ინოვაციების კონკურსი GIST NET ახალგაზრდა ინოვაციორებს მათ ბაზარზე გამოცდილების მიღების, იდეების დახვეწისა და მათ რეალობად ქცევის საშუალებას აძლევს. 2011 წლიდან პროგრამის ფარგლებში 135 განვითარებადი ქვეყნის წარმომადგენელმა წარმოადგინა საკუთარი იდეა და აიმაღლა კვალიფიკაცია სხვადასხვა კონკურსებისა და საგანმანათლებლო ბანაკების მეშვეობით.

ამჟამინდელი მონაცემებით, კონკურსში სირიისა და იორდანის წარმომადგენლები ლიდერობენ, რომელთაც რეიტინგში საქართველო მოჰყვება. „კონკრეტულად განათლების კუთხით, იორდანის წარმომადგენელი წარადგენს პროექტს, რომელიც სატელეფონო აპლიკაციის საშუალებით საფეხურებრივი მათემატიკის სწავლას უწყობს ხელს. სირიის წარმომადგენელი (საგანმანათლებლო პროექტით) კი წარმოადგენს



გამოგონებას, რომელიც ბავშვებს ელექტრონიკის სწავლასა და ლოგიკური აზროვნების განვითარებაში დაეხმარება.“ - ამბობს ნიკოლოზი.

კონკურსის ფინალისტები ონლაინ ხმის მიცემის რეჟიმით გამოვლინდებიან, რომელიც 1 აპრილს ჩმთ ვეტნორკის საიტზე დაიწყო და 1-ელ მაისამდე გასტანს. ბოლო ეტაპზე 30 მონაწილე გადავა, 30 ივნისს კი ისინი კალიფორნიაში, სოლიციუმის ველში გამართულ სამიტზე შეიკრიბებიან, სადაც მონი-

ტორინგის გავლის შემდეგ აუდიტორიას საკუთარ იდეებს გამარჯვების მოსაპოვებლად წარუდგენენ.

ამჟამად კი, ნებისმიერ მსურველს კონკურსანტთა შორის მარტივად შეუძლია იპოვოს ნიკოლოზ გარეჩილაძე და მხარი დაუჭიროს ქართულ ინოვაციურ საგანმანათლებლო იდეას, რომლის განხორციელების შემთხვევაშიც ხარისხიანი განათლება არაერთი ადამიანისთვის გახდება ხელმისაწვდომი.



## Palace of Hospitality

Hotel "Tiflis Palace" Offers 7 Categories of Elegantly Designed, Comfortable Rooms from 18m<sup>2</sup> to 140m<sup>2</sup> with Picturesque Views of Old Tbilisi. Everything to Ensure Luxury Comfort and the Best Rest for Our Dear Guests!






## Conference & Banquet Services

Tiflis Palace Provides the Perfect Environment for Business Meetings as well as for a Truly Romantic Wedding in a Legendary Place with an Astonishing and Unforgettable Views. Trust Your Business Event to Our Professionals!






3, Gorgasali Street, 0105, Tbilisi, Georgia

Tel: +995 32 2 000 245

www.tiflispalace.ge

# თვითმანქანების 7 წესი, რომორც წარმატების ფორმულა

ნინო მატყაშვილი

EXCLUSIVE

6 აპრილს ილიას სახელმწიფო უნივერსიტეტს გერმანიაში მოღვაწე ქართველი ახალგაზრდა პიანისტი, "Steinway & Sons" პირველი პრემიის მფლობელი ნინო კოტრიკაძე სტუმრობდა. პიანისტმა სტუდენტებს თავისი გამოცდილება გაუზიარა და „ოზბერგერის“ მკითხველს თვითმენეჯმენტის ის 7 წესი გააცნო, რომელიც წარმატების მიღწევაში ყველაზე დიდ როლს თამაშობს.

### 1. იყავით ორგანიზებული

სწორედ და ჭკვიანურად გადაანალიზებული დრო, რადგან დრო ის ფასდაუდებელი განძია, რომელსაც უკან ვერასდროს დავაბრუნებთ და ნებისმიერ მომენტში შესაძლებელია დადგეს ის გარდამტეხი წამი, რომელსაც კარდინალურად შეუძლია ცხოვრების სხვა ლიანდაგზე გადაყვანა, ჩვენ კი ამისთვის როგორც პროფესიულად, ასევე შინაგანად მზად უნდა ვიყოთ.

### 2. გქონდეთ საკუთარი თავის რწმენა

სასიცოცხლოდ მნიშვნელოვანია ბოლომდე გვეჯეროდეთ საკუთარი შესაძლებლობების, იმდენად, რომ ამაში სხვებიც დაარწმუნოთ.

### 3. განახორციელებთ საკუთარი იდეები

გვეჯეროდეთ იმის, რომ რასაც თქვენ აკეთებთ სწორი და კარგია. შეეცადეთ განახორციელოთ ნებისმიერი შემოქმედებითი წამოწყება, რაც არ უნდა რთული და არარეალური ჩანდეს ის დასაწყისში. მე პირადად მუსიკას ღრმად და სხვადასხვა კონტექსტში ვხედავ, სხვანაირად შეუძლებელია კარგი ხელოვანი გახდე. ეს არ არის უბრალოდ კლავიშებზე დაკვრა და ჰონორარის აღება.

### 4. იყავით პოზიტიური განწყობაზე

პოზიტივის მიღება და გაცემა ალბათ ყველაზე მნიშვნელოვანი ადამიანური მისიაა. გულწრფელი ლიმილი ადამიანს თქვენს მიმართ აუცილებლად დადებითად განწყობს.

### 5. იყავით მიზანდასახული

რაც არ უნდა მოხდეს არ უღალა-

ტოთ ბავშვობის ოცნებებს, რადგან ისინი ყველაზე წრფელი და სუფთაა. ბებიას უნდოდა, რომ ექიმი გამოვლიყავი, მაგრამ მე მაინც ჩემს ბავშვობის დროინდელ ოცნებას არ ვუღალატე და მიზანმიმართულად მივდიოდი ჩემი მიზნისკენ. მუსიკოსობა 11 წლის ასაკიდან გადავწყვიტე, ამის ბიძგი პირველი სოლო კონცერტი იყო, თუმცა არ მიმანია, რომ მხოლოდ პიანისტი ვარ, რადგან მუსიკოსობა ძალიან ბევრ სფეროს მოიცავს. მინდა აღვნიშნო, რომ იმ მომენტიდან, როდესაც მე აღმოვჩნდი სრულიად მარტო, უცხო გარემოში მასულდგმულბა და გზას მინათებდა სწორედ ბავშვობის პერიოდში შეგავსებულს: ლალი რჩეულიშვილისა და რეზო თავაძისგან მიღებული იმპულსები; განუმეორებელი ემოცია, რომელსაც სცენაზე გამოსვლისას ვიღებდი. ყველაფერი გაიღეთ იმისთვის, რომ აისრულოთ დასახული ოცნებები, რომელთა უმრავლესობა ყოველდღიურობაში იკარგება და ფერმკრთალდება.

### 6. გქონდეთ პასუხისმგებლობის გრძობა

იპოვეთ ბალანსი საკუთარ თავში და განსაზღვრეთ რამდენი დრო გჭირდებათ საკუთარ თავზე სამუშაოდ, არ დაეყრდნოთ დამატებულ მოძველებულ წესებს. რა თქმა უნდა, საკუთარ თავზე მუშაობა ძალიან ინდივიდუალურია ზოგს მეტი სჭირდება, ზოგს კი ნაკლები. მაგრამ ეს არ ნიშნავს იმას, რომ ჩვენი ყოველი დღე რუტინული და უინტერესო გავხადოთ. მე მაგალითად მაქვს ნაწარმოებები, რომელიც შემძლია არ ვიმეცადინო და სცენაზე დაფუკრა პირდაპირ. მსოფლიოში ბევრი ცნობილი პიანისტი არ დაეცა სხვებზე მათ სახელს და გვარს, ყოველდღე არ მეცადინებენ იმას, რასაც კონცერტზე ასრულებენ.

ასაკთან და დროსთან ერთად ადამიანი იძენს ისეთ გამოცდილებას, რომელსაც აღარ სჭირდება საათობრივი მუშაობა. ეს ეხება არა მხოლოდ მუსიკოსებს ან ხელოვანებს, არამედ ნებისმიერი პროფესიის ადამიანს.



### 7. იყავით შრომისმოყვარე

ზოგადად თვითშემეცნება, ახალი უნარების შეძენა და აზრობრივი გახსნა ალბათ ყველაზე საინტერესო პროცესია ახალგაზრდა შემოქმედის ცხოვრებაში. ზოგადი განათლება და აზროვნების ფართო სპექტრის ქონა ისეთივე აუცილებელია ახალგაზრდა მუსიკოსისთვის, როგორც ინსტრუმენტზე დაკვრის ელემენტარული უნარ-ჩვევები. პირადად ჩემი, როგორც მუსიკოსის ჩამოყალიბებაში უდიდესი როლი ითამაშა სწორედ სინთეზურმა განათლებამ პირველ კლასიკურ გიმნაზიაში და მუსიკალურ ათწლეულში, უცხო ენების ცოდნამ, ინტერესმა მუსიკისგან ერთი შეხედვით სრულიად შორს მდგარ ტექნიკური თუ საბუნებისმეტყველო საგნებისადმი და უდიდესმა სიყვარულმა თეატრალური და სახვითი ხელოვნებისადმი. ადრეულ ასაკში მიღებული ამ ცოდნითა და შთაბეჭდილებებით დღემდე ვსაზრდობ და ვთვლი, რომ სწორედ ესაა ის მყარი საფუძველი, რომელზედაც უნდა მოხდეს არამარტო ხელოვანის, ზოგადად პიროვნების საბოლოო ჩამოყალიბება.

ნინო კოტრიკაძე დაიბადა 1986 წელს თბილისში მუსიკოსების ოჯახში. პიანისტმა მუსიკის შესწავლა ტრადიციულად 6 წლის ასაკში მუსიკალურ ათწლეულში ლალი რჩეულიშვილის კლასში დაიწყო, მერე ჩააბარა ვანო სარაჯიშვილის სახელობის სახელმწიფო კონსერვატორიაში რეზო თავაძის კლასში, სადაც ბაკალავრის ოთხი კურსი სრულად გაიარა.

2007-2008 წლებში კანადის პრესტიჟულ კონსერვატორიაში ჩააბარა, სადაც სრული დაფინანსებაც მოიპოვა, თუმცა საბოლოოდ გერმანიაში წასვლა არჩია, რადგან იქ მეტი მუსიკალური შესაძლებლობა ესაზებოდა. იმის მიუხედავად, რომ სრულიად უცხო გარემოში მოუწია თავის დამკვიდრება გადაულახავი პრობლემები არ ჰქონია. ყოველდღიური - ცხოვრებისეული დეტალების მოგვარებაში მუსიკოსი და ვანო სარაჯიშვილის სახელობის სახელმწიფო კონსერვატორიის რექტორი რეზო კიკნაძე ეხმარებოდა, რისთვისაც

დიდ მადლობას უხდის. ახალგაზრდა პიანისტი წარმატებით გამოდის გერმანიის, ავსტრიის, უნგრეთის, შვეიცარიის, იტალიის, ესპანეთისა და ამერიკის შეერთებული შტატების პრესტიჟულ სცენებზე. მას გამოშვებული აქვს ორი აუდიო-ალბომი: "Das Elisabeth Fest Album" (2011), სადაც შესულია დიდი უნგრული კომპოზიტორისა და პიანისტის, ფერენც ლისტისა და მისი თანამედროვე კომპოზიტორების ახლახან აღმოჩენილი ნაწარმოებები და გერმანელი კომპოზიტორისა და პიანისტის, თეოდორ კულაკის „Kinderleben“ (2014).

ბერლინის „Hanns Eisler“-ის უმაღლესი სამუსიკო სკოლის მაგისტრი ამჟამად ცხოვრობს ჰამბურგში, ჰყავს აგენტი, რომელიც განაგებს მის განვრდილ და გადატვირთულ საკონცერტო ტურნეს. საშემსრულებლო კარიერას უთავსებს პედაგოგიურ საქმიანობას და აქტიურადაა ჩართული ფესტივალებისა და კონცერტების ორგანიზებაში.

## „წარმატებული სტუდენტების ნახალისების“ პროგრამით სტიპენდია 67 სტუდენტს გადაეცა



თბილისის მერმა დავით ნარმანიამ პროგრამის, „წარმატებული სტუდენტების ნახალისების“ ფარგლებში, 67 მაგისტრანტს სტიპენდია გადასცა. პროგრამის მიზანია, მაღალი აკადემიური მოსწრების მქონე სტუდენტების ნახალისება.

მუნიციპალიტეტის სტიპენდიის მოპოვება შეუძლია თბილისში რეგისტრირებულ პირს, რომელიც არის სახელმწიფო უმაღლესი საგანმანათლებლო დაწესებულების სამაგისტრო პროგრამის სტუდენტი და წინა

სემესტრის განმავლობაში გავლილ ყველა სალექციო კურსში მიღებული აქვს 91 და მეტი ქულა. (A კატეგორია - ფრიადი). პროგრამა სემესტრულია და თითოეული სტიპენდიანტი 450 ლარს იღებს.

„გრძელდება პროგრამა, რომელიც წარმატებული მაგისტრანტების ნახალისებას გულისხმობს. გვსურს, მათი მოტივაცია უფრო მეტად გაიზარდოს. წარმატებული სტუდენტი ქალაქისა და ქვეყნის წარმატების სანინდარია. ეს არის მოკრძალებული ინვესტიცია ჩვენსაკენ“

მომავალში. მათ უნდა შევუქმნათ გარემო უკეთესი კვალიფიკაციისა და განათლებისთვის. პროგრამის მიზანია სწორედ ეს არის“, - განაცხადა დავით ნარმანიამ.

„წარმატებული სტუდენტების ნახალისების“ პროგრამის პირველ ორ ეტაპზე სტიპენდია 150-მდე სტუდენტმა მიიღო. პროგრამა მომდევნო სასწავლო წლებშიც გაგრძელდება.

ლონისძიებას ასევე ესწრებოდნენ დედაქალაქის მერიისა და საკრებულოს წარმომადგენლები.

# ბაბუშერას ტრაგედიის დროს დაღუპული მებრძოლები სამხედრო პატივით დაკრძალეს

საქართველოს ტერიტორიული მთლიანობისთვის ბრძოლაში დაღუპული მებრძოლები დიღმის ძმათა სასაფლაოზე 9 აპრილს სამხედრო პატივით დაკრძალეს.

სამგლოვიარო ცერემონიას დევნილთა და განსახლების მინისტრი სოზარ სუბარი, თავდაცვის მინისტრის მოადგილე დავით ებრალიძე და დედაქალაქის მერი დავით ნარმანიას დაესწრნენ.

სოზარ სუბარის განცხადებით, სიმბოლურია, რომ 12 გვირგვინის დაკრძალვა, სწორედ 9 აპრილს დაემთხვა.

„ერთ-ერთი ყველაზე ტრაგიკული და ყველაზე შეროვიანი დღეა 9 აპრილი. ალბათ სიმბოლურია, რომ 12 გვირგვინის დაკრძალვა სწორედ ამ დღეს დაემთხვა. 9 მათგანი ძმათა სასაფლაოზე დაკრძალეს, ხოლო 3 საგვარეულო სასაფლაოებზე გადაასვენეს. უკვე 43 ადამიანის იდენტიფიცირება მოხდა. კიდევ 208 ნეშტი არის გადმოსვენებული, რომელთა იდენტიფიცირების პროცესი მიმდინარეობს. ამ პროცესში მონაწილეობს ძალიან ბევრი ადამიანი. განსაკუთრებული მადლობა

მინდა ვუთხრა საერთაშორისო წილელ ჯვარს იმ უზარმაზარი ძალისხმევით, რასაც ისინი იჩენენ. ასევე განსაკუთრებული მადლობა აფხაზურ მხარეს, იმიტომ რომ საოცარი ვულისხმიერებით უდგებიან ამ საკითხს. მათ აბსოლუტურად გასიგებებენ აქვთ, რომ ეს არის ჰუმანიტარული მისია და აქ პოლიტიკაზე ლაპარაკი იქნებოდა ზედმეტი“, - განაცხადა სოზარ სუბარმა.

ბაბუშერას ტრაგედიის დროს დაღუპულთა სამოქალაქო პანაშვიდი სამების საკათედრო ტაძარში ორი დღის განმავლობაში მიმდინარეობდა. დღეს, საქართველოს პრეზიდენტმა გიორგი მარგველაშვილმა, დევნილთა და განსახლების მინისტრმა სოზარ სუბარმა და საქართველოს მთავრობის სხვა წევრებმა სამების საკათედრო ტაძარში კიდევ ერთხელ მიაგეს პატივი დაღუპული მებრძოლების ხსოვნას და გარდაცვლილთა ოჯახის წევრებს მიუსამძიმრეს.

2010 წელს წითელი ჯვრის ეგიდით შეიქმნა ორმხრივი საკოორდინა-

ციო ჯგუფი, რომელიც 1992-1993 წლებში ქართულ-აფხაზური კონფლიქტის შედეგად უგზო-უკვლოდ დაკარგულთა მოძიების საკითხებს შეისწავლის.

მოლაპარაკების შედეგად გადანიშნა ბაბუშერას ძმათა სასაფლაოს გახსნა და ცხედრების ექსპრეზირება.

ბაბუშერას ძმათა სასაფლაოზე სამარხის გახსნის შემდეგ, იდენტიფიცირების მიზნით, ნეშტები გადმოსვენებულ იქნა ლევან სამხარაულის სახელობის სასამართლო ექსპერტიზის ეროვნულ ბიუროში. საქართველოში ჩატარებული გენეტიკური პროფილები ხორვატიკაში, ზაგრების უნივერსიტეტის დამლაპარაკირებაში გაიგზავნა. ამ ეტაპზე, ბაბუშერას სამარხიდან გადმოსვენებული 43-ე ნეშტი უკვე იდენტიფიცირებულია.

დევნილთა და განსახლების სამინისტროსა და აფხაზეთის დე ფაქტო მთავრობის წარმომადგენლებს შორის მიმდინარე მოლაპარაკებების შედეგად, 2016 წელს კიდევ ორი სამარხი გაიხსნება, საიდანაც 100-ზე მეტი ცხედარს გადმოსვენებენ.



## კახეთში ოჯახში ძალადობის მსხვერპლთა თავშესაფარი გაიხსნა

სსიპ „ადამიანთა ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდმა“ კახეთის რეგიონში, ოჯახში ძალადობის მსხვერპლთა თავშესაფრის გახსნასთან დაკავშირებით პრეზენტაცია გამართა. ლონისძიებას დაესწრნენ ჯანდაცვის მინისტრის მოადგილე ვალერი კვარაცხელია, აშშ-ს ელჩი იან კელი, შინაგან საქმეთა მინისტრის მოადგილე არჩილ თალავაძე, სახელმწიფო ფონდის დირექტორი თამილა ბარკალაია, გაეროს ქალთა ფონდის წარმომადგენელი ერიკა კვაპილოვა და სხვა არასამთავრობო თუ სახელმწიფო უწყების წარ-

მომადგენლები. თავშესაფრის გახსნა განხორციელდა სახელმწიფო ფონდის, გაეროს ქალთა ფონდის და აშშ-ს საელჩოს თანადაფინანსებით. სახელმწიფო ფონდი ოჯახში ძალადობის მსხვერპლთა მიმართ ახორციელებს სხვადასხვა სერვისებს: ოჯახში ძალადობის მსხვერპლთა დახმარება და კანონიერი ინტერესების დაცვა; ოჯახში ძალადობის მსხვერპლთა თავშესაფრით, იურიდიული, ფსიქოლოგიური, სამედიცინო და/ან სხვა სახის მომსახურებით უზრუნველყოფა; ოჯახსა და საზოგადოებაში სრული რეინტეგრაციის ხელშეწყობა.



## გარემოს დაცვის მინისტრმა ბათუმის კონფერენციის დეტალებზე ისაუბრა

გარემოსა და ბუნებრივი რესურსების დაცვის მინისტრი გიგლა აგულაშვილი „ეკოპაზში“ არასამთავრობო, სამთავრობო და ბიზნესსექტორის წარმომადგენლებს შეხვდა. გიგლა აგულაშვილმა, მინისტრის მოადგილე თეიმურაზ მურულუასთან ერთად, შეხვედრის მონაწილეებს, ბათუმში დაგეგმილი მინისტრთა მერვე კონფერენციის - „გარემო ევროპისთვის“ მნიშვნელობა, პერსპექტივები და კონფერენციის ფარგლებში დაგეგმილი აქტივობები გააცნო.

იენის ბათუმში გაიმართება. კონფერენციას 800-მდე დელეგატთან ერთად, დიპლომატიური კორპუსის, საერთაშორისო ორგანიზაციების და სამთავრობო უწყებების წარმომადგენლები დაესწრებიან. მინისტრიალის მთავარი თემები იქნება მწვანე ეკონომიკა და ჰაერის ხარისხის გაუმჯობესება უკეთესი გარემოსა და ადამიანის ჯანმრთელობისთვის. შეხვედრა გარემოსდაცვითი განათლებისა და ინფორმაციის ცენტრში, ინტერაქტიულ რეჟიმში ორი საათის განმავლობაში მიმდინარეობდა.

## პარლამენტი იუსტიციის სამინისტროს საკანონმდებლო ინიციატივის განხილვას იწყებს

საქართველოს პარლამენტმა იუსტიციის სამინისტროს საკანონმდებლო ინიციატივის განხილვა დაიწყო, რომელიც მინის რეგისტრაციისას ბარიერებს ხსნის და პროცედურას მაქსიმალურად ამარტივებს. შესაბამისი საკანონმდებლო ცვლილებების პაკეტი საკანონმდებლო ორგანოს იუსტიციის მინისტრმა თეა წულუკიანმა წარუდგინა. ცვლილებების მიზანი იმ სირთულეების აღმოფხვრაა, რასაც მინის ნაკვეთების მფლობელები ქონების რეგისტრაციის პროცესში აწყდებიან. საქართველოს მთავრობის მიერ დამტკიცებული ინიციატივის თანახმად, მინის ნაკვეთების რეგისტრაციის პროცედურა მარტივდება; იხსნება ბარიერები, რომლებიც მესაკუთრეს ექმნებოდა, ხოლო რეგისტრაციის პროცედურა ნახალისდება.

მომზადება მინის რეგისტრაციის კუთხით არსებულმა პრობლემებმა გამოიწვია. კერძოდ, დღეისათვის ქვეყანაში არსებული მინის ნაკვეთების 25%-მდე რეგისტრირებულია, რაც ძალიან ცოცხალია. ცვლილებების უმთავრესი მიზანი სწორედ მინის რეგისტრაციის პროცესის გამარტივება და ნახალისებაა. პროექტზე მუშაობისას გამოვლინდა მინის მარტივი რეგისტრაციისთვის ხელისშემშლელი პრობლემები და მათ აღმოსაფხვრელად მომზადდა სპეციალური საკანონმდებლო ცვლილებები. კერძოდ: შემუშავდება საამბო-ველო ნახაზის ერთიანი სტანდარტი, პროექტში ჩართული ამზომველები გაივლიან გადამზადების კურსს; სახელმწიფო მოქალაქეს დაეხმარება საკუთრების დამადასტურებელი საბუთების მოძიებაში; სახელმწიფო მესაკუთრეებს დაეხმარება მოგვარებაში დაეხმარება

## C ჰეპატიტის ელიმინაციის მესამე ეროვნული სამუშაო შეხვედრა



6 აპრილს დაავადებათა კონტროლის ეროვნულ ცენტრში C ჰეპატიტის მესამე ეროვნული სამუშაო შეხვედრა გაიმართა. აღნიშნული ღონისძიება უკვე მესამე წელია ტრადიციულად გაზაფხულზე იმართება და მის ფარგლებში განიხილება C ჰეპატიტის პრევენციისა და კონტროლის მნიშვნელოვანი საკითხები. წლევანდელი სამუშაო შეხვედრის მიზანია საქართველოში

C ჰეპატიტის ელიმინაციის პროგრამის ისეთი მნიშვნელოვანი საკითხების განხილვა, როგორცაა: C ჰეპატიტის სეროპრევალენტობის პოპულაციური კვლევის შედეგები; ელიმინაციის პირველი ფაზის შედეგები; ელიმინაციის გრძელვადიანი სტრატეგია (2016-2020).

პოპულაციური კვლევის შედეგების მიხედვით საქართველო C ჰეპატიტის ვირუსის გავრცელების მაჩვენებელი სწრაფი მარტივი ტესტით -7,5%-ს შეადგენს, ხოლო ლაბორატორიულად დადასტურებული შემთხვევების რაოდენობა 5,3%-ს. დღეის მდგომარეობით პროგრამაში 8000-მდე პაციენტია ჩართული. შეხვედრას შრომის, ჯანმრთელობისა და სოციალური დაცვის მინისტრი დავით სერგენკო და აშშ-ს ელჩი საქართველოში იან კელი ესწრებოდნენ.

# ბიორბი მელუას თეოსოფიური ხედვა მხატვრობაში

ნინი მაჭავარიანი

EXCLUSIVE

12 აპრილს მხატვარ გიორგი მელუას პერსონალური გამოფენა მიხეილ თუმანიშვილის სახელობის კინომსახიობთა თეატრში გაიხსნება და 24 აპრილამდე გაგრძელდება. გამოფენაზე წარმოდგენილი იქნება ამერიკის შეერთებულ შტატებსა და საქართველოში აკრილიკის მედიუმში შექმნილი ორმოცდაათამდე ფერწერული ტილო.

საგამოფენო სივრცე საკმაოდ დიდი და ლალია, შესაბამისად დამთავალიერებელს ოთახის მარჯვენა მხარეს შესაძლებლობა ექნება იხილოს საინტერესო „სურათების სერია“, რომელიც მხატვრის ლექსების კრებულს ეფუძნება და მთვარის მისტიფიკაციასა და თეოსოფიის გარკვეული დებულებების მიხედვითაა აგებული, რაც გარკვეულწილად პოეტურ შერწყმას გულისხმობს; ხოლო მარცხენა მხარეს განლაგებული იქნება აბსტრაქტული ნამუშევრები, რომელიც ზომით შედარებით დიდია.

„ჰოროსკოპით კირჩხიბი ვარ, სწორედ ამიტომ ჩემი მფარველი პლანეტა მთვარეა. ეს ლექსები დაიწერა ჩემი ცხოვრების ყველაზე რთულ მომენტში, როდესაც ამერიკის შეერთებულ შტატებში სიცხესა და სიცივეში ვიმყოფებოდი, ჩემი ერთადერთი მეგობარი იყო მთვარე, რამაც გაგრძელება ჩემს ფერწერაში ჰპოვა“, - აღნიშნა მხატვარმა.

გიორგი მელუას პარალელური სამყაროების არსებობის სჯერა, რაც მხატვრის შემოქმედებაზეც აისახა და მის ნახატებზე ნათლად შეგვიძლია დაინახოთ თუ როგორაა შერწყმული ორი პარალელური სამყაროს არსებობის ნიშნები.

ხატვა ემიგრაციაში ყოფნის პერიოდში სპონტანურად დაიწყო. საკუთარ თავს მხატვრობაში ვერასდროს წარმოიდგენდა, მაგრამ ამერიკაშიც და საქართველოშიც მხატვართა წრეში ტრიალებდა,

სწორედ ამან უზიძგა შეექმნა რაღაც ახალი და საინტერესო.

სავანაში სადაც გიორგი მელუა მოღვაწეობდა ძალიან ბევრი მხატვარი ცხოვრობდა, იქაური ბუნების სილამაზის გამო სხვადასხვა შტატებიდან იყრიდნენ თავს მხატვრები, იმისთვის, რომ ამ დიდებული ადგილის პეიზაჟები შეექმნათ. გიორგი მელუამ აღნიშნა, რომ „ბევრი მხატვარი შთაგონებას სავანის ლამაზი ხედებიდან იღებდა“.

ქართველი მხატვარი იხსენებს, როგორ ნახა ოქროს მელნით მოხატული თიხის ქურჭელი მეგობართან სტუმრობისას, რომლის მსგავსაც დიდი ხნის განმავლობაში ეძებდა. ამის შემდეგ თავადაც შეიძინა თიხის ლარნაკი, ოქროსფერი კანტებით გაალამაზა და შემდგომ მოხატა. ვისაც არ დაათვალერებინა ეს ნამუშევარი არავინ იჯერებდა, რომ ასეთ პროფესიულ დონეზე ჰქონდა შესრულებული თვითნასწავლ მხატვარს სამუშაო.

„სწორედ ამ ლარნაკის მოხატვის მერე გამოვივინა სურვილი, რომ კიდევ შემექმნა რამე. ერთ-ერთმა ჩემმა მეგობარმა მაყიდინა ფუნჯები და საღებავები, მახსოვს მითხრა ახლა ეს შენია ნადი და დახატეო. მაშინ მისი ნათქვამი სრულ აბსურდად მომეჩვენა, მაგრამ რამდენიმე დღეში, როდესაც მარტო დავრჩი, დავინყე ხატვა“, - აღნიშნა გიორგი მელუამ.

პირველი ნახატი ქალაქ სავანას პეიზაჟია, რომელიც ასევე სრულიად სპონტანურად და მოულოდნელად შეიქმნა. ხოლო პირველი გამოფენის ჩატარება გადამწყვეტია იმისთვის, რომ ეყიდა კარგი ფოტოაპარატი. სუზან კროჩის საგაზაფხულო გამოფენაზე მიიღო მონაწილეობა, სადაც 200 მხატვრის მიერ წარდგენილ ნამუშევრებს შორის გიორგი მელუას ნახატმა გაიმარჯვა.

„ეს დღე ჩემთვის დაუფიქრებელი იყო. მახსოვს მოვიდა ჩემთან საგა-

მოფენო სივრცის პრეზიდენტი ქალბატონი სუზან კროჩი და მითხრა, რომ მე გავიმარჯვე. ვერაფრით წარმოვიდგენდი, რომ ამდენ მხატვარს შორის ჩემს ნახატს აირჩევდნენ. სწორედ ამ გამარჯვებამ ძალიან დიდი სტიმული მომცა და ამის მერე აღარ გაჭირვებულვარ“, - აღნიშნა მხატვარმა.

ძალიან არ უყვარს საკუთარი ნახატების გაყიდვა. საქართველოში ჩამოსვლისთანავე ამერიკის საელჩოში გამოფენა-გაყიდვაზე მიიწვიეს, ისე არ სურდა, რომ გაყიდულოყო მისი ნახატები გააზრებულად ძალიან დიდი ფასი დაადო, არცერთი ნახატი არ გაიყიდა და ხელოვანიც შინ ბედნიერი დაბრუნდა.

აღსანიშნავია, რომ გიორგი მელუას ნამუშევრები სკურპულოზური სიზუსტით და სინატიფითაა შესრულებული. ძალიან უყვარს ნივთები და სხვადასხვა მოქანდაკეების მინიატურულ ნამუშევრებსაც კი ნაწყვეტით მის სახლში, ძველებური ამერიკული შუქის სანათი აქვს, რომელიც იქ ცხოვრებისას შეიძინა, განაახლა და სამშობლოში ჩამოიტანა. მისი სამუშაო სივრცე სახლის მისაღები ოთახის ერთ-ერთ კუთხეშია, სწორედ ამიტომ, რომ მისი ნახატებს გარკვეული ნაწილი მცირე ზომისაა. ბატონი გიორგი და მისი მეუღლე უახლოეს მომავალში სამხატვრო სტუდიის შექმნას გეგმავენ, თუმცა ჯერჯერობით რა და როგორ იქნება არ იციან.

სამუშაოსგან თავისუფალ დროს დაახლოებით კვირაში სამჯერ სტუმრობს საგამოფენო სივრცეებს და ეცნობა სხვადასხვა მხატვრების ნამუშევრებს.

„ბევრი მეგობარი მხატვარი მყავს, ისინი მაფასებენ როგორც მხატვარს და პიროვნებას. საზოგადოებას და უპირველეს ყოვლისა მე მჭირდება, რომ ჩემი შემოქმედება გავაცნო მათ, გული გადავუშალო და დავანახო რა სულიერ ღირებულებას



მხატვრული ვარ. ეს იქნება ჩემთვის ერთ-ერთი ყველაზე დიდი გამოცდა“, - განაცხადა ხელოვანმა.

მას მიაჩნია, რომ თითოეულ მხატვარს შეუძლია თავისი მცირე ნეწლილი შეიტანოს მხატვრობაში და საკუთარი კვალი დატოვოს, ამიტომ სამომავლოდ ბევრ საინტერესო გამოფენა - გაყიდვას გეპირდება. ერთ-ერთი მისის თვეში გაიმართება.

გიორგი მელუა დაიბადა 1957 წელს. დამთავრებული აქვს ისტორია-ფილოლოგიისა და ჟურნალისტიკის ფაკულტეტი. არის ორი პოეტური და რამდენიმე სამეცნიერო-პოპულარული წიგნის ავტორი. გამოსცემდა და რედაქტორობდა სა-

კუთარ გაზეთს, ჰქონდა საავტორო პროგრამა რადიოში. ქართველი მხატვარი აშშ-ს ჯორჯიის შტატის Landings Art Association-ის წევრია. აღსანიშნავია, რომ 2009 წელს Merrill Lynch Sprin Art Show-სა გამარჯვებულია და Plantation Club Gallery - ის „The People's Choice“-ის ნომინაციაში გაიმარჯვა სავანაში. ასევე მიღებული აქვს მრავალჯგუფურ გამოფენებში მონაწილეობა, როგორც ამერიკის შეერთებულ შტატებში ასევე საქართველოში, მაგალითად ბოლო პერიოდში გამოფენები ჰქონდა არტ - კაფე „ტიფლის ბრანშიში“, ნიკოლოზ ბარათაშვილის სახელმწიფო მუზეუმში და სხვა.



## გურანდა ანჩაბაძე ფოტობამოფენა “მარვენე სახე”

ბაია გალერეა წარმოგიდგინთ გურანდა ანჩაბაძის და ბაია გალერეას ერთობლივი ფოტო-პროექტის პირველ გამოფენას “მარვენე სახე”.

გურანდა ანჩაბაძე ცხოვრობს და მოღვაწეობს ლონდონში. მისი ფოტო-პორტრეტების მოდელები თანამედროვე ქართველი მხატვრები არიან. ავტორის მიზანია, ორი წლის განმავლობაში შექმნას ნამუშევრების სერია ქართველი მხატვრების მონაწილეობით. პროექტი მოიცავს ოთხ ექსპოზიციას, რომელიც 2016 - 2017 წლებში იქნება წარმოდგენილი ბაია გალერეაში. პროექტის დასრულების შემდეგ გამოიცემა კატალოგი.

“მარვენე სახეს” პირველი ექსპოზიცია 20 მხატვარს წარმოგიდგინს. პროექტის მიზანია მოდელის პერსონალური მონაცემების ინტერპრეტაცია. ფოტოსესია მიმდინარეობდა 2014 და 2015 წლის ზაფხულში. ავტორმა გადაიღო 400-ზე მეტი ფოტო საიდანაც საგამოფენოდ შეირჩა 32 ნამუშევარი.

პროექტის განხორციელებით შეიქმნება საინტერესო დოკუმენტური მასალა ქართული ხელოვნების მიმდინარე პროცესის და მასში მონაწილე მხატვრების შესახებ.

# „CHECK IN GEORGIA“-ს პროექტის ფარგლებში საქართველოს მსოფლიო პარსკვლავები ენვებთან



პროექტის შესახებ პრესკონფერენცია საქართველოს ვიცე-პრემიერმა, ეკონომიკისა და მდგრადი განვითარების მინისტრმა დიმიტრი ქუმსიშვილმა, კულტურისა და ძეგლთა დაცვის მინისტრმა მიხეილ გიორგაძემ, მინისტრის მოადგილემ კახი კანდელაკმა და საქართველოს ტურისტების ეროვნული ადმინისტრაციის ხელმძღვანელმა გიორგი როგოვამ გაიმართეს.

„Check in Georgia“ მასშტაბური კულტურული ღონისძიებების სერიას მოიცავს, რომელიც თბილისსა და ქვეყნის რეგიონებში გაიმართება. პროექტი ტრადიციულ ხასიათს მიიღებს და პროგრამა ყოველწლიურად კიდევ უფრო მრავალფეროვანი გახდება. „Check in Georgia“-ს ორგანიზებას კულტურის განვითარების საინვესტიციო ფონდი გაუწევს.

„ძალიან მნიშვნელოვანია, საქართველოში მუდმივად იმართებოდეს საინტერესო ღონისძიებები იმისთვის, რომ გაიზარდოს ქვეყნის ცნობადობა და ტურისტული მიზიდულობა“, - განაცხადა ეკონომიკისა და მდგრადი განვითარების მინისტრმა პრესკონფერენციაზე განაცხადა.

კულტურისა და ძეგლთა დაცვის მინისტრმა მიხეილ გიორგაძემ კი განაცხადა, რომ პროექტის ფარგლებში დაგეგმილი ღონისძიებები არ არის კონცენტრირებული მხოლოდ დედაქალაქში და გაფანტულია 19-ზე მეტ ქალაქში მთელი ქვეყნის მასშტაბით. მისი თქმით ასეთი კატე-

გორიის შემსრულებლების ჩამოსვლა საქართველოში ნიშნავს, რომ ქვეყანა ინფრასტრუქტურულად თუ ადამიანური რესურსის თვალსაზრისით მზად არის ასეთი ვარსკვლავების მისაღებად.

„ბუნებრივია, რომ ამ პროექტში ძალიან აქტიურად მიიღებენ მონაწილეობას ქართველი შემსრულებლები. მთლიანობაში ეს ინიციატივა ხელს შეუწყობს ქვეყნის ცნობადობის ამაღლებას, მისი ძალიან პოზიტიური იმიჯის დამკვიდრებას მსოფლიო არენაზე და შესაბამისად შიდა და გარე ტურისტული ნაკადების ზრდას“, - აღნიშნა მიხეილ გიორგაძემ.

პროექტის განხორციელების მიზანია წლის განმავლობაში საქართველოს კულტურულ ცენტრად ქცევა და დიდი რაოდენობით ტურისტების მოზიდვა. ამ გზით ადგილობრივი მენარმეობის ხელშეწყობა. შედეგად, დამატებითი სამუშაო ადგილების შექმნა და როგორც თბილისში, ისე რეგიონებში მოსახლეობის შემოსავლების ზრდა.

წელს, მასშტაბური კულტურული ღონისძიებები აპრილში დაიწყება და წლის ბოლომდე გაგრძელდება. პროექტის „Check in Georgia“ ფარგლებში დაგეგმილია კონცერტები მსოფლიო ვარსკვლავების მონაწილეობით: ეროს რამაზოტი (24 აპრილი, თბილისი), რობი უილიამსი (27 მაისი, თბილისი), „Maroon 5“ (7 ივნისი, ბათუმი), ხოსე კარერასი (18 ივნისი, ქუთაისი).

„Check in Georgia“ მოიცავს ქართველი და უცხოელი შემსრულებლების მონაწილეობით ქვეყნის 19 ქალაქში დაგეგმილ კონცერტებს, 35 ფესტივალს, მათ შორის: თეატრალური ფესტივალები, კინოფესტივალები, მუსიკალური ფესტივალები, ანიმაციური ფილმების ფესტივალები, თანამედროვე ხელოვნების ფესტივალები, ქორეოგრაფიული ფესტივალი, მოდის კვირეულები, ფოტოფესტივალები და სხვა. „Check in Georgia“-ს განხორციელებით კიდევ უფრო მრავალფეროვანი გახდება საქართვე-

ლოს დამოუკიდებლობის დღისადმი მიძღვნილი ღონისძიებები.

გარდა ამისა, პროექტის ფარგლებში, დაგეგმილია ქალაქ ბათუმში საკონცერტო მოედნის მონაცობა, რომელიც ალტურვილი იქნება თანამედროვე გახმოვანების აპარატურით, განათებით, სცენით, დაცვის მომსახურებითა და ყველა იმ სერვისით, რაც აუცილებელია სრულფასოვანი კონცერტის ჩასატარებლად.

„ეს იქნება ხელისუფლების მხრიდან უპრეცედენტო შეთავაზება ქვეყნის მასშტაბით მოღვაწე პროდუსერებისათვის, მომწოდებისა და მუსიკოს-შემსრულებლებისათვის, მათ მთელი ზაფხულის სეზონზე შეეძლება სრულიად უსასყიდლოდ ისარგებლონ აღნიშნული სივრცით, დაგეგმონ ღონისძიებები, თავად განსაზღვრონ ბილეთის ფასი და მიიღონ შემოსავალი“, - აცხადებენ კულტურის სამინისტროში.

პროექტის ფარგლებში ჩასატარებელი ღონისძიებების პარალელურად, დაგეგმილია კერძო და საჯარო სექტორის მონაწილეობით სხვადასხვა აქტივობა, ისეთი, როგორც არის ღვინის, ყველისა და სხვა სასოფლო-სამეურნეო პროდუქტის ფესტივალები, ადგილობრივი ნაწარმის გამოფენა-გაყიდვები; პროექტში ინტეგრირებული იქნება ეკო-ტურისტული მიმართულება: ველო-ტურები, ლაშქრობები, სპეციალური ტურები საქართველოს დაცულ ტერიტორიებზე.

აღნიშნული შეთავაზებები პროექტს „Check in Georgia“ ჩვენი მოქალაქეებისათვის და ქვეყნის სტუმრებისათვის უფრო საინტერესოსა და მრავალფეროვანს ხდის.

პროექტის ორგანიზატორები ფიქრობენ, რომ „Check in Georgia“ მნიშვნელოვნად შეუწყობს ხელს ჩვენი ქვეყნის პოპულარიზაციას, გაიზარდოს მისი როგორც ტურისტული და კულტურული ცენტრის ცნობადობა და საერთაშორისო იმიჯი. შესაბამისად საქართველო დაიმკვიდრებს ღირსეულ ადგილს მსოფლიო კალენდარზე.



## ხელოვნებისა და კულტურის მენეჯერები გობადი ინგლისური ენის კურსს უფასოდ გაივლიან



საქართველოს კულტურისა და ძეგლთა დაცვის სამინისტრო და ბრიტანეთის საბჭო საქართველოში აცხადებს მიღებას უფასო ზოგადი ინგლისური ენის კურსზე ხელოვნებისა და კულტურის მენეჯერებისთვის (თეატრების, საგამოფენო დარბაზების, კინემატოგრაფიის სფეროში, სახელმწიფო და კერძო სტრუქტურებში არსებული სახელოვნებო ორგანიზაციებისთვის).

პროგრამა საქართველოს კულტურისა და ძეგლთა დაცვის სამინისტროსა და ბრიტანეთის საბჭო საქართველოში ორგანიზებითა და დაფინანსებით ხორციელდება.

კურსის ხანრიცხვობაა 2016 წლის მაისი - დეკემბერი. ლექციები საქართველოს

კულტურისა და ძეგლთა დაცვის სამინისტროში, ტრენინგ ცენტრის ბაზაზე ჩატარდება.

პროგრამაში მონაწილეობის მსურველებმა უნდა გაითვალისწინონ, რომ მათი ინგლისური ენის ცოდნის მინიმალური დონე უნდა იყოს საშუალოზე დაბალი (წრენტერმედიატე); დააუცილებელია - კვირაში 6 საათი დაუთმონ ინგლისური ენის მეცადინეობებზე დასწრებას. ბრიტანეთის საბჭოს სერტიფიკატით დაჯილდოვდებიან კურსის მხოლოდ ის მონაწილეები, ვინც დაესწრება კურსის არანაკლებ 90%. მეცადინეობები შედგება კვირაში სამჯერ ორშაბათს/ ოთხშაბათს/ პარასკევს, საღამოს 6:30 სთ-დან 8:30 სთ-მდე. მონაწი-

ლეებს ექნებათ კლასგარეშე დავალები და აუცილებლად უნდა დაესწრონ ბრიტანეთის საბჭოს მიერ ორგანიზებულ ღონისძიებებს;

შერჩევს პროცესის მოიცავს სამ ეტაპს: პირველი ეტაპზე მონაწილეები შეირჩევიან მათი CV -სა და სამოტივაციო წერილის საფუძველზე; მეორე ეტაპზე აპლიკანტების ინგლისური ენის ცოდნის დონე შემოწმდება ბრიტანეთის საბჭოს Aპტის ტესტის საშუალებით; საბოლოოდ შედგება 1 ჯგუფი 12 მონაწილისგან, რომელთა ინგლისური ენის ცოდნის დონე ერთი და იგივე იქნება; აპლიკაციების გამოგზავნის ბოლო ვადაა 2016 წლის 17 აპრილი, 18:00 სთ. ადგილების რაოდენობა შეზღუდულია.

# საქართველოს მეტყველების კონკურსის 19-წლიანი ტრადიცია საქართველოში

მარი ტაბატაძე **EXCLUSIVE**

6 აპრილს ცნობილი გახდა, თუ ვინ წარადგინა საქართველოს საჯარო მეტყველების საერთაშორისო კონკურსზე დიდ ბრიტანეთში, სადაც „ინგლისურად მოლაპარაკეთა კავშირში“ გაერთიანებული 64 ქვეყნის საუკეთესო ორატორები მიიღებენ მონაწილეობას. თბილისში ჩატარებული კონკურსის გამარჯვებულად ყოფილი თბილისის სახელმწიფო უნივერსიტეტის პოლიტიკური მეცნიერებების მე-2 კურსის სტუდენტი გუგა სუხიაშვილი დაასახელა. შესაბამისად, მისი თვეში ლონდონში სწორედ ის გაემგზავრება.

„ოზბერვერთან“ საუბარში მან აღნიშნა, რომ უკვე ლონდონში გამართული საერთაშორისო ფინალისთვის ემზადება და იმედს გამოთქვამს, რომ შეძლებს ღირსეულად წარმოადგინოს როგორც საკუთარი თავი, ასევე ქვეყანაც. აღსანიშნავია, რომ გუგა წინა წელსაც იღებდა კონკურსში მონაწილეობას და გადავიდა კიდევ ფინალში, თუმცა გამარჯვება მაშინ ვერ შეძლო. მისი თქმით, კონკურსში გასულ წელსაც დიდი იყო, წელს კი კმაყოფილებას გამოთქვამს და, ამასთან, „მიხარია, რომ ამ კონკურსთან დაკავშირებით საქართველოში ასეთი დიდი გამოხმაურებაა. იმედია, წლიდან წლამდე ინტერესი გაიზარდება“ - აცხადებს ის.

პირველ ადგილზე გასული გუგა სუხიაშვილის მსგავსად, წლებადელო კონკურსზე მონაწილეობას მეორედ იღებდა ირაკლი ქორქია, თავისუფალი უნივერსიტეტის საერთაშორისო ურთიერთობების ფაკულტეტის მესამე კურსის სტუდენტი. ის შარშან მესამე ადგილის მფლობელი გახდა, წელს კი მეორე ადგილი დაიკავა. როგორც მან „ოზბერვერთან“ ინტერვიუში აღნიშნა, საბოლოო

მიზანი მიუღწეველი დარჩა, თუმცა, ფიქრობს, რომ გრძელვადიან პერსპექტივაში მიიღო ბევრი ისეთი რამ, რაც მისთვის ძალიან ღირებულია.

ამას გარდა, საკუთარი შედეგების გაუმჯობესების მიზნად ის შარშანდელ გამოცდილებას ასახელებს. „ვიცი, თუ რა სტილით წარმართავდნენ თავიანთ სიტყვას სხვა მონაწილეები, ისინი ხშირად არჩევენ ხოლმე მაღალფარდოვან და პათეტიკურ საუბარს, ამგვარად, მე სხვა კუთხით წარვადგინე თემა“.

გარდა აღნიშნულსა, მთავარ პრიზთან მიახლოების პროცესში, ირაკლი ქორქია კიდევ ერთ მნიშვნელოვან მახასიათებელს გამოყოფს: „ვეცადე დამერღვია ის ბარიერი, რომელიც მონაწილესა და მაყურებელს/ყიურის შორის არის. ჩემი მიზანი არ იყო, რომ სიტყვით გამოსვლისას მხოლოდ მე მომეთხოვრა რამე, შევეცადე, ერთად მიგვეგონო სახელებისთვის და დროდადრო მეც აღმოჩენილიყავი მაყურებლის როლში“. სწორედ ამ მახასიათებლებს მიიჩნევს ის კონკურსის უპირატესობის მოპოვების საშუალებად.

ზოგადად კი ირაკლი ქორქიას მიაჩნია, რომ „ეს კონკურსი ძალიან კარგი სტიმულია ახალგაზრდობისთვის, რათა მოსინჯონ საკუთარი ძალები, დაიხვეწონ, შრომით მიაღწიონ წარმატებას, ნახონ რეალური შედეგი და თავიანთ თავზე გამოსცადონ კონკურსის შედეგად მოტანილი ყველა დადებითი მახასიათებელი“.

მართალია, ირაკლი ქორქია ლონდონში გამართულ საერთაშორისო კონკურსში მონაწილეობას ვერ მიიღებს, თუმცა, ის DAAD-ისა და ჩინეთის მთავრობის სტიპენდიის მფლობელია, რომლის ფარგლებშიც აგვისტოში ერთი თვით გერმანიაში მიემგზავრება, ხოლო სექტემბრიდან კი 1 წლით ჩინეთში გაივლის ჩინური ენის კურსებს.

რაც შეეხება მესამე ადგილის მფლობელს, ეთერ ჭუმბურიძეს, ის თავისუფალი უნივერსიტეტის ბიზნესის ფაკულტეტის სტუდენტია. როგორც მან „ოზბერვერთან“ საუბარში აღნიშნა, ძალიან მოსწონს მსგავსი პროექტები, ყოველთვის ცდილობს მათში მონაწილეობის მიღებას და მიაჩნია, რომ ისინი ხშირად არის მნიშვნელოვანი შესაძლებლობების წყარო.

„ყველაზე ადვილად ადამიანები მაშინ თმობენ ძალაუფლებას, როცა მიიჩნევენ, რომ მათ ის არ გააჩნიათ“, აღნიშნულ საკონკურსო თემასთან დაკავშირებით კი, მესამე ადგილის მფლობელის მხრივ, ადამიანებს სხვადასხვაგვარი აღქმა შეიძლება ჰქონდეთ. ამიტომ, საკუთარი საუბრისას ის თავდაპირველად ეცადა, სიტყვა ძალაუფლება განემარტა;

შემდეგ კი ყურადღება გაამახვილა იმ ძალაზე, რომელიც ყველა ადამიანშია და თითოეულ მათგანში საჭიროებს განვითარებას.

16-დან 20 წლამდე ასაკის ახალგაზრდები უკვე მე-19 წელია მონაწილეობენ საჯარო მეტყველების კონკურსში, რომელიც ყოველწლიურად „ინგლისურ ენაზე მოლაპარაკეთა კავშირის“ ორგანიზებით ტარდება.

წელს გამარჯვებულები გამოვლინა ყიურიმ, რომლის წევრებს შორისაც საქართველოს თავდაცვის მინისტრის მოადგილე ანა დოლიძე და ბრიტანეთის ელჩი საქართველოში ალექსანდრა ჰოლ ჰოლიც იყვნენ. ყიურის წევრი ანა დოლიძე ინგლისური ენის სრულყოფილად ცოდნის მნიშვნელოვნებაზე საუბრობს და აცხადებს, რომ მას უდიდესი მნიშვნელობა აქვს ჩვენი ქვეყნის ევროინტეგრაციის პროცესში.

ამგვარად, წლებადელო საჯარო მეტყველების კონკურსის შედეგად, კიდევ ერთი ქართველი შეურთდება იმ ახალგაზრდათა რიცხვს, რომლებმაც 19 წლის განმავლობაში მიიღეს მონაწილეობა ლონდონში გამართულ საერთაშორისო კონკურსზე. შედეგად კი გაგრძელდება კულტურულ-საგანმანათლებლო პროგრამების განხორციელების ხანგრძლივი ტრადიცია, რომელიც „ინგლისურ ენაზე მოლაპარაკეთა კავშირის“ (English Speaking Union, ESU) აქვს, ორგანიზაციას, რომელიც ლონდონში 1918 წელს დაარსდა, როგორც კავშირი ინგლისსა და ამერიკას შორის. მისი მიზანი ინგლისური ენის საშუალებით მეგობრობისა და ურთიერთგაგების განმტკიცებაა.

ამჟამად, ის 64 ქვეყანაშია ფუნქციონირებადი. მათ შორის საქართველოში, რომელიც კავშირის წევრი 1998 წელს გახდა.



## მცხეთაში სტრატეგიული მნიშვნელობის პროფესიული სასწავლებელი ამოქმედდება

მცხეთის მუნიციპალიტეტის სოფელ წინამძღვრიანთკარში, რეგიონში ერთადერთი პროფესიული სასწავლებლის სრული რეაბილიტაციის პროცესი სრულდება.

საზოგადო მოღვაწე და ქველმოქმედმა ილია წინამძღვრიანთკარმა 1883 წელს, საკუთარ მამულში, თავისი ხარჯითა და საზოგადოების დახმარებით, გახსნა წინამძღვრიანთკარის სასოფლო-სამეურნეო სკოლა. 1933 წელს სკოლის ბაზაზე შეიქმნა სასოფლო-სამეურნეო ტექნიკუმი. 2006 წლის მონაცემებით, სასწავლებელი ორიენტირებული იყო აგრარულ მიმართულებებზე. 2010 წელს პროფესიული სასწავლებლის ლიკვიდაცია განხორციელდა.

საქართველოს განათლებისა და მეცნიერების მინისტრის გადამწყვეტილებით, ერთი წელია შენობის სრული რეაბილიტაცია ხორციელდება, მოდულური საგანმანათლებლო პროგრამებისთვის ეწყობა თანამედროვე სტანდარტების შესაბამისი სახელოსნოები და ლაბორატორიები. კოლეჯი გეგმავს რეგიონის შრომის ბაზარზე მოთხოვნილი ისეთი პროფესიული პროგრამების დანერგვას, რომელიც ხელს შეუწყობს კურსდამთავრებულ-

თა დასაქმებას და თვითდასაქმებას. დაწყებულია სამუშაოები აგრარული მიმართულების პროგრამების განსახორციელებლად. მიმდინარეობს მრავალწლიანი კულტურების განაშენიანება. პარალელურად, ხორციელდება კოლეჯის დამატებითი კორპუსების რეაბილიტაცია დაბა თიანეთსა და დაბა სტეფანწმინდაში.

უახლოეს მომავალში წინამძღვრიანთკარში რეაბილიტაცია დასრულდება და დაიწყება ალტერნატიული სამუშაოები, ახალი სასწავლო წლიდან კი, პროფესიული სასწავლებელი განახლებს ფუნქციონირებას, კვლავ აღორძინდება ის სასოფლო-სამეურნეო მიმართულებები, რომელიც წლების წინ წარმატებით ფუნქციონირებდა.

კერძო სექტორის მოთხოვნებიდან გამომდინარე, რეგიონში არსებობს სოფლის მეურნეობის მიმართულების სპეციალისტთა დეფიციტი. მცხეთა-მთიანეთში 20-მდე კერძო კომპანია ფუნქციონირებს, რომელიც მჭიდროდ ითანამშრომლებს პროფესიულ სასწავლებელთან, რაც სტუდენტების დასაქმებას შეუწყობს ხელს. სასწავლო დაწესებულება გათვლილია 300 სტუდენტზე.

## საქართველოში სამუშაოზე დაფუძნებული სწავლების მიდგომების დანერგვა იბეგმება

8 აპრილს საქართველოს განათლებისა და მეცნიერების სამინისტროს ორგანიზებითა და ათასწლეულის გამოწვევის ფონდი - საქართველოს (MCA - Georgia) მხარდაჭერით, პროფესიული განათლების რეფორმის ახალი ინიციატივის „საჯარო-კერძო პარტნიორობა პროფესიულ განათლებაში“ პრეზენტაცია გაიმართა.

ქვეყნის განვითარების ახალ ეტაპზე გადასვლის კონტექსტში, საქართველოს განათლებისა და მეცნიერების მინისტრმა თამარ სანიკიძემ, დამსწრე საზოგადოებას პროფესიული განათლების თანამედროვე შესაძლებლობები, სახელმწიფო და კერძო სექტორის შორის პარტნიორობის ალტერნატიული მოდელები და მენარმეობის განვითარების ახალი შესაძლებლობები გააცნო. აღნიშნული ინიციატივის

თანხმად, პროფესიულ განათლებაში გატარდება რეფორმა, რომლის შედეგად შესაძლებელი იქნება საერთაშორისო სტანდარტების შესაბამისი სამუშაოზე დაფუძნებული სწავლების (WORK-BASED LEARNING) მიდგომის დანერგვა, დამსაქმებლის ჩართულობით საგანმანათლებლო პროცესის წარმართვა, საწარმოო პრაქტიკის კომპონენტის გაძლიერება, შრომის ბაზარზე ორიენტირებული პროფესიების გამოვლენა და პროფესიულ კურსდამთავრებულთა დასაქმების მაჩვენებლის ზრდა.

შეხვედრას ესწრებოდნენ საჯარო და კერძო სექტორის წარმომადგენლები, პროფესიულ განათლებაში ჩართული დაინტერესებული მხარეები, დონორი ორგანიზაციების წარმომადგენლები, საერთაშორისო და ადგილობრივი ექსპერტები.

# „დინამო თბილისი“ ლიდერობას არ თმობს

ვაკო ყიფიანი

6 აპრილს საქართველოს ეროვნული საფეხბურთო ჩემპიონატის 23-ე ტურის შეხვედრები გაიმართა. ქობულეთში, „ჩელე არენაზე“, ადგილობრივმა „შუქურამ“ მარტვილის „მერანს“ უმასპინძლა. მატჩი ფრედ 0:0 დასრულდა. მარტვილელებს ამ დროისთვის 14 ქულა აქვთ და მე-15 ადგილს იკავებენ, ხოლო „შუქურა“ 31 ქულით მეორე ადგილზეა. „მერანის“ კონკურენტმა თერჯოლის „საპოვნელამ“ ზესტაფონში დავით აბაშიძის სახელობის სტადიონზე „საბურთალოს“ უმასპინძლა, ეს მატჩიც ფრედ 0:0 დასრულდა. „საპოვნელს“ 14 ქულა აქვს და „მერანთან“ ერთად მე-14, მე-15 ადგილებს იყოფს. „საბურთალომ“ ბოლო ოთხი მატჩიდან ორი მოიგო და ორიც ფრედ დაასრულა.

ნაუგებელ სერიას აგრძელებს საფეხბურთო კლუბი „სამტრედია“. ეროსი მანჯგალადის სახელობის სტადიონზე სამტრედიელებმა ბათუმის „დინამოს“ უმასპინძლეს და მეტოქე 2:0 დაამარცხეს. 28 ნოემბრიდან 6 აპრილის ჩათვლით „სამტრედია“ უმაღლეს ლიგაში 12 შეხვედრა ჩაატარა: 10 მოიგო და 2 ფრედ დაასრულა. ბათუმის „დინამოსთან“ შეხვედრაში ანგარიში

ბუდე ზივზივადემ გახსნა 53-ე წუთზე, მეორე გოლი 65-ე წუთზე დავით ჯიქიამ გაიტანა. „სამტრედია“ 50 ქულით მეორე ადგილს იკავებს და პირველ ადგილზე მყოფ თბილისის „დინამოს“ 11 ქულით ჩამორჩება, ხოლო მესამე ადგილზე მყოფ გორის „დილას“ სამი ქულით უსწრებს. ბათუმელებს 36 ქულა აქვთ და მეშვიდე ადგილზე არიან.

სამი ქულა მოიპოვა გორის „დილამაც“, რომელმაც ლანჩხუთში ადგილობრივ „გურას“ მაშუკოვის გოლის წყალობით 0:1 მოუგო. ამ გამარჯვებულ გორელებს 47 ქულა აქვთ. ლანჩხუთის „გურა“ 17 ქულით მე-13 ადგილს იკავებს, გურულებს გასაყრდნი ზონისგან მხოლოდ სამი ქულა აშორებთ.

ივანწმინდაში საჩხერის „ჩიხურას“ ცხინვალის „ცხინვალი“ ესტუმრა, საჩხერელებმა პირველ ტაიმი 2:1 მოიგეს და მატჩის საბოლოო ანგარიშიც ეს აღმოჩნდა. მასპინძლებმა სწრაფი გოლების გატანა შეძლეს. მე-5 წუთზე გიორგი განუგრავა, გახსნა ანგარიში, 5 წუთში ლაშა ჩიკვაძემ ორ ბურთამდე გაზარდა „ჩიხურას“ უპირატესობა. 9 წუთში „ცხინვალმა“ ანგარიშში სხვაობა შეამცირა, გოლი ლაშა ქოჩლაძემ

გაიტანა. გუნდებმა მეტის გაკეთება ვეღარ შეძლეს და „ჩიხურამ“ სამი ქულა მოიპოვა.

უმაღლეს ლიგაში რვამატჩიან ნაუგებელ სერიას აგრძელებს ბოლნისის „სიონი“. ბოლნისელებმა ზუგდიდის „ზუგდიდს“ 3:1 მოუგეს. თამაზ სტეფანიას სახელობის სტადიონზე შეკრებილი გულშემატკივარი „სიონმა“ კიდევ ერთხელ გაახარა. ანგარიში ოთარ კობახიძემ გახსნა 33-ე წუთზე, 54-ე წუთზე რაფაელ ჩუკვეურამ შეძლო ანგარიშის გათანაბრება. ხუთ წუთში ოთარ კობახიძემ დუბლი შეასრულა და „სიონი“ წინ გაიყვანა. 71-ე წუთზე ლუის ალბერტო მედინამ მატჩს წერტილი დაუსვა და „სიონმა“ 3:1 გაიმარჯვა. ლუის ალბერტო მედინამ „ზუგდიდთან“ გატანილი გოლი ზურა ჯაფიაშვილს მიუძღვნა, რომელმაც ვარჯიშზე მძიმე ტრავმა მიიღო და მოედანს დიდი ხნით დაემშვიდობა.

თბილისის „ლოკომოტივმა“ ფოთის „კოლხეთი“ 1:0 დაამარცხა. მატჩის ერთადერთი გოლი დავით ჩაგელიშვილმა გაიტანა. ფოთელებს 23 ქულა აქვთ და მე-11 ადგილს იკავებს. „ლოკომოტივს“ 21 ქულა აქვს და მე-12 ადგილს იკავებს.



ტურის ცენტრალური მატჩი „დინამო არენაზე“ გაიმართა. თბილისის „დინამომ“ ქუთაისის „ტორპედოს“ 2:1 მოუგო. მატჩი ტრადიციულად დაძაბული და სანახაობრივი გამოდგა. ანგარიში მე-40 წუთზე ნიკოლოზ გელაშვილმა გახსნა, 79-ე წუთზე გიორგი კუხიანიძემ თერთმეტმეტრიანი დარტყმით გაათანაბრა ანგარიში.

მსაჯის მიერ დამატებულ მეოთხე

წუთზე ბაქარ მირცხულავამ ჯაბა ვილაური ნააქცია საჯარიმოში, მსაჯმა თერთმეტმეტრიანი დანიშნა და ბაქარ მირცხულავა მოედნიდან გააძევა. გიორგი ქვილითაიამ ზუსტად შეასრულა თერთმეტმეტრიანი და „დინამომ“ 2:1 მოიგო. თბილისელებს 23 ტურის შემდეგ 61 ქულა აქვთ და პირველ ადგილს იკავებენ, „ტორპედო“ კი 30 ქულით მეცხრე ადგილზეა.

## სპორტული სიახლეები

### ძიუდო

ბექა ლვინიაშვილი -100კგ წონით კატეგორიაში სამსუნის გრან პრის გამარჯვებული გახდა. ამ გამარჯვებით ოლიმპიადის სალიცენზიო რეიტინგს მან კიდევ 300 ქულა შემატა და უკვე ხვდება სალიცენზიო ზონაში. ბექა ლვინიაშვილმა სამსუნის გრან პრი კარიერაში მეორედ მოიგო. პირველი გამარჯვება მან 2014 წელს -90კგ წონით კატეგორიაში მოიპოვა.

+100კგ წონით კატეგორიაში ვერცხლის მედალი მოიპოვა ლევან მატიაშვილმა. მან მხოლოდ ფინალი დათმო ტედი რინერთან. ამავე წონაში ბრინჯაოს მედლის მფლობელი გახდა ადამ ოქრუაშვილი.



ცენტრმა მთლიანობაში 2 ქულა, 9 მოხსნა, 1 პასი და 1 ჩაჭრა მიითვალა.

„რეტაბეტს“ და 80:83 წააგო. შერმადინმა 17:11 წუთი ითამაშა და შეხვედრა 6 ქულითა და 7 მოხსნით დაასრულა.

### კალათბურთი

ზაზა ფაჩულია განაგრძობს სასტარტო ხუთეულში თამაშს, „დალასი“ კი - გამარჯვებულს. ტეხასელებმა ზედრედ მეოთხე მოგება მინესოტაში გაიფორმეს, სადაც „ტიმბერვულვს“ 88:78 მოუგეს. ფაჩულიამ მოედანზე 23 წუთი დაჰყო და 3 ცდიდან 1 ორქულიანი ჩააგდო. ქართველმა

ესპანეთის უმაღლეს ლიგაში დასაანანი მარცხი განიცადა პლეიოფში გასასვლელად მებრძოლმა „ანდორამ“. გიორგი შერმადინის გუნდი სტუმრად შეხვდა ლიგის აუტსაიდერს, ბოლო ადგილზე მყოფ

### რაგბი

მსოფლიო რაგბის 20-წლამდელობა მსოფლიო ჩემპიონატამდე ზუსტად 2 თვე რჩება. წელს ტურნირი 7-25 ივნისს მანჩესტერში გაიმართება,

რომელშიც ქართული რაგბის ისტორიაში პირველად, მსოფლიოს 12 ელიტარულ ახალგაზრდულ ნაკრებს შორის უმცროსი ბორჯღალოსნები იასპარეზებენ. 20-წლამდელებმა ტურნირში მონაწილეობის უფლება შარშან, ლისაბონში მსოფლიო რაგბის ალაფაში გამარჯვებით მოიპოვეს. შარშანვე გახდა ცნობილი, რომ გაისად, 2017 წელს ამ ტურნირს, რომელიც კაცთა მსოფლიო თასის შემდეგ რანგით მეორეა, საქართველო უმასპინძლებს.

ეს ყველაფერი ახალი გამოწვევაა ქართული რაგბისთვის და შესაბამისად პირველი ნაბიჯი წლებადეულ ტურნირზე მონაწილეობაა, სადაც ჯგუფში საკმაოდ ძლიერ მეტოქეებს, ახალ ზელანდიას, ირლანდიას და უელსს ვერკინებთ.

პირველი ლიგიდან კი დიდ 10-ს შემდეგ სეზონში კიდევ ერთი ქუთაისური კლუბი „ბაგრატი“ დაემატება, რომელმაც 2015-16 წლის სეზონში გაიმარჯვა და დამსახურა უმაღლესის საფეხური.

პლეი-ოფის პირველი წრე: ამრიგად, პლეი-ოფის პირველ წრეში „ბათუმე“ 16 აპრილს ფოთში „ყოჩებს“ 15 საათზე უმასპინძლებს, ხოლო „ჯიქი“ ავჭალაში „აიას“ 17 აპრილს, 16 საათზე შეერკინება.





OBSERVE TO LEAD

# OBSERVER

**ადმსასრულებელი დირექტორი**  
ნინო შარაშიძე  
[nino.sharashidze@observer.com.ge](mailto:nino.sharashidze@observer.com.ge)

**რედაქტორთა კოლეგია**  
[editor@observer.com.ge](mailto:editor@observer.com.ge)

**გამოწერა და რეკლამის განთავსება**  
[sales@observer.com.ge](mailto:sales@observer.com.ge)

შილ მღვიმელის ქ. No 15,  
თბილისი, 0179  
[info@observer.com.ge](mailto:info@observer.com.ge)  
T: +995 595 313637



Find us on  
**Facebook**